

ЗАЛА
ШКАФЪ
ПОЛКА

ՀԱՍՏԵՏՐ ԿՐՕՆԻ

401

9. *Supp*

„Եւ ուսուսչիք որդւոց ձերոց
խօսել զառա ի նստել ի տան.
Եւ ի գնալ ի ճանապարհի եւ
ի ննջել եւ ի յառնել“:

V. Wn. L. & M. 19.

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՀԱԳԵԽՈՐ ԻՇԽԱՆԱԿՑԵՐՆ

ՀԱՐՐՈՐԴ ՏՊԱԿՐՈՒԹԻՒՆ

ு w q জ b g

ԱՐՀԱԿ ՔԱՅ. ԱՐՀԱԿԵԱՆ. 8

(Վիաբան ՎողՆւոց Ա. Գևորգ Եկեղեցւոց)

Յարմար է կրօնուայցներին մոռքի տակ ունենալ իս
«Դասադիբը կրօնի» հատոր II. մասն ա. և թ.

ТИФЛИСЪ

Типографія І. Мартirosianца, Орбел. ул., д. № 1-2.

1894.

2(075)
U-15

Հ Արմ.
12-6307/32

2(075)
Ա-15

44628 սե.

Ա. Վ.

ԴԱՍԱՏԵՏՐ ԿՐՈՆԻ

Գ. ՏԱՐԻ



”Եւ ուսուսչիք որդւոց ձերոց
խօսել զսոսա ի նստել ի տան.
Եւ ի գնալ ի ճանապարհի եւ
ի ննջել եւ ի յառնել“:
Վ. Մովս. Ճ. 19.

ՀԵՄԱՉՈՅՑՆ ԺԲԱԳԻԻ ՀՊԳԵՒԹԻ ԽԵԹԱՆՈՒԹԻՒՆՆ

ՀՈՐՐՈՐԴ ՏՊԱԳՐՈՒԹԻՒՆ

Կ ա զ մ ե ց

Ս Ա Հ Ա Կ Ք Ա Հ . Ս Ա Հ Ա Կ Ե Ա Ն Ց

(Միաբան Մողնւոյ Ս. Գէորգ Եկեղեցւոյ)

Յարմար է կրօնուսոյցներին ձեռքի տակ ունենալ իմ
«Գասագիրը կրօնի» նոր-ուխտի նիւթի մշակութիւնը:

Ինվ. № 17551

Թ. Ի Փ Լ Ի Ս
ՏՊԱՐԱՆ ՅՈՎՀԱՆՆԵՍ ՄԱՐՏԻՐՈՍԵԱՆՑԻ
1894

2010

4001

Խ. Վ.

Дозволено цензурою. Тифлисъ, 21-го Сентября 1894 г.

ՀՐԱՄԱՆԱՀ

Տ.Տ. ՄԿՐՏՉԻ Ա.

Սրբազնագոյն Կաթողիկոսի Ամենայն Հայոց,
ծայրագոյն Պատրիարքի Համազգական Նա-
խամեծար Աթոռոյ Արարատեան Առաքելա-
կան Մայր Աթոռոյ Սրբոյ Կաթողիկէ Էջ-
միածնի:



29597-63

§ 1.

Ա Ն Ա Թ Ա Կ Ո Ր Դ Ի Ն

Մի մարդ ունէր երկու որդի: Մի օր փոքրն ասաց հօրը. «Հայր, տնաւր ինձ իմ բաժինը քո ունեցուածից»: Հայրը տուաւ նրան հասանելի բաժինը: Ճատ օր չանցած՝ փոքր որդին գնաց հեռու աշխարհ և այնտեղ իւր ունեցածը վատ-նեց՝ անառակ կեանք վարելով:

Երբ բոլորը կերաւ, վերջացրեց, հէնց այն ժամանակ այն երկրումն էլ սաստիկ սով ըն-կաւ: Նա սկսաւ մուրացկանութեամբ ապեկ: Վերջը գնաց այն երկրի քաղաքացիներից մինի մօտ ծառայութեան մտաւ: Նա էլ ուղարկեց իւր հանդը, որ խողեր արածացնէ: Փոքր որ-դին գոհ կլինէր, եթէ խողերի կերած կերա-կուր էլ ունենար, բայց այդ էլ ձեռք չէր ընկ-նում:

Նա սկսաւ մտածել և ինքն իրան ասել. «Քանի՛ վարձկաններ իմ հօր տանը հաց են ու-տում, իսկ ես այստեղ սոված մեռնում եմ. կը-գնամ հօրս մօտ և կասեմ նրան—հայր, ես մե-դաւոր եմ քո և Աստուծու առաջ. այս ար-

ժանի չեմ քեզ որդի կոչուելու. ընդունիր ինձ
իբրև քո վարձկաններից մինը»:

Փոքը որդին վերկացաւ և եկաւ հօր մօտ:
Հայրը հեռուից նկատեց նրան. գութը շար-
ժուեց. առաջ վաղեց. վզովն ընկաւ և համբու-
րեց: Որդին ասաց. «Ես մեղաւոր եմ քո և Աս-
տուծու առաջ. այլևս արժանի չեմ քո որդին
կոչուելու»: Հայրն ասաց իւր ծառաներին. «Հա-
նէք սրա հին շորերը և նորը հագցրէք. մա-
տանին դրէք մատին. ոտներին կօշիկներ հագ-
ցրէք. գեր եղը մորթեցէք. ուտենք և ու-
րախանանք, որովհետև իմ այս որդին մեռած
էր, կենդանացաւ, կորած էր, գտնուեց»: Ամենքն
էլ սկսեցին գուարճանալ:

Այդ միջոցին մեծ որդին հանդումն էր:
Երբ տուն դարձաւ՝ երգելու և պարելու ձայներ
լսեց: Ֆառաներից մինին կանչեց իւր մօտ և
հարցրեց, թէ այդ բնչ է: Նա էլ պատասխա-
նեց. «Եղբայրդ դարձել է. քո հայրը գեր եղը
մորթել տուաւ նրա գալստեան պատճառով և
ահա ամենքն ուրախանում են»:

Սա բարկացաւ և ներս չէր կամենում մըտ-
նել, բայց հայրը դուրս եկաւ և աղաչում էր
նրան ներս գնալ: Մեծ որդին բարկացած պա-
տասխան տուաւ հօրն ու ասաց. «Այս քանի
տարի է ծառալում եմ քեզ. քո խօսքից երբէք

դուրս չեմ եկել, բայց ինձ մի ուլ էլ չտուիր,
որ բարեկամներիս հետ ուրախանամ, իսկ այդ
որդիդ, որ քո կալքը կերաւ, նրա համար գեր
եղն ես մորթել»:

Հայրն ասաց նրան. «Որդեակ, դու ամեն
ժամանակ ինձ մօտ ես և այն ամենն ինչ որ
իմս է, քունն է. դու պէտք է ուրախանաս,
որովհետև քո եղբայրը մեռած էր, կենդանա-
ցաւ, կորած էր, գտնուեց»:

§ 2.

ՈՂՈՐՄԱԴ ՍԱՄԱՐԱՑՈՒ ԱՌԱԿԸ

«Յիսուս այս առակը պատմեց մի օրինա-
կանի:

Մի մարդ Երուսաղէմից զնում էր Երիքով
քաղաքը. ճանապարհին աւազակների ձեռն ըն-
կաւ: Արանք կողոպտեցին անծանօթին. խոցո-
տեցին. կիսամահ թողին և գնացին:

Պատահմամբ մի քահանայ այդ ճանապար-
հովն անցկացաւ. տեսաւ նրան, բայց անցկա-
ցաւ, գնաց առանց ուշագրութիւն դարձնելու:
Յետոյ նոյն տեղովն անցկացաւ մի զւտացի:
Նա ևս տեսաւ, անցաւ և գնաց: Եկաւ մի սա-
մարացի ճանապարհօրդ. տեսաւ նրան և խըլ-
ճաց. իջաւ զրաստից. վէրքերը փաթաթեց,

վրան ձէթ և գինը ածեց. դրաստի վրայ դը-
րաւ. իջևան հասցրեց և հոգ տարաւ նրա վրայ:
Հետևեալ օրը, երբ պէտք է հեռանար, երկու
դահեկան հանեց, իջևանի տիրոջը տուաւ և
ասաց. «Խնամք տար սրան և ինչ ծախս որ
դրա համար անես, վերադարձիս կիմարեմ:

Հիմա այն երեքից որն է երկում քեզ՝ թէ
ընկեր է եղել աւազակների ձեռն ընկած մար-
դուն»: Օրինականն ասաց. «Նա՝ որ ողորմու-
թիւն արաւ՝ խղճաց»: Այն ժամանակ Յիսուս
ասաց. «Գնա, դու էլ այնպէս արա»:

§ 3.

ՈՐՈՄԻ ԸՌԵԿԸ

Յիսուս մի ուրիշ առակ էլ ասաց—երկնքի
արքայութիւնը նմանէ այն մարդուն, որ իւր
արտումը բարի սերմը ցանեց: Բայց երբ մարդիկ
քուն եղան, թշնամին եկաւ, արտի մէջ որոմ-
ներ ցանեց ու գնաց: Երբ խոտը բուսաւ, պտուղ
տուաւ, այն ժամանակ որոմն էլ երևեցաւ:

Տան տիրոջ ծառաները մօտ եկան և ա-
սացին. «Տէր, միթէ դու քո արտումը բարի
սերմը ցանեցիր, որոմները հրտեղից են»: Նա
պատասխանեց և ասաց. «Այդ թշնամի մարդու
արած է»: Ֆառաներն ասացին. «Կամենում ես,

որ գնանք և դուրս հանենք»: Նա պատասխա-
նեց. «Ո՛չ, մի գուցէ որոմը քաղելիս, ցո-
րենն էլ նրանց հետ արմատախիլ անէք, թո-
ղէք որ երկուսն էլ միասին մեծանան մինչեւ
հունձը. իսկ հնձի ժամանակ կասեմ մշակնե-
սին՝ առաջ որոմները քաղեցէք և խուրձ կա-
պեցէք՝ ալրելու համար, իսկ ցորենը ժողովե-
ցէք իմ ամբարի մէջ»:

§ 4.

ԱՅԳՈՒ ՄՃԱԿՆԵՐԻ ԱՌԵԿԸ

Երկնքի արքայութիւնը նման է այն տա-
նուտէր մարդուն, որ առաւօտը վաղ դուրս ե-
կաւ իւր այգու համար մշակներ վարձելու:
Մշակների հետ օրը մի գահեկանի խօսելով՝ ու-
ղարկեց իւր այգին: Ժամը երեքի մօտ դուրս
եկաւ, տեսաւ ուրիշ մշակներ, որոնք հրապա-
րակում անգործ կանգնել էին, ասաց նրանց.
«Դուք էլ գնացէք իմ այգին և ինչ որ արժան
է, կստանաք»: Նրանք էլ գնացին: Դարձեալ
հրապարակ դուրս եկաւ ժամը վեցին, իննին և
նոյնպէս արաւ: Ժամը տասնեւմէկին մօտ
դուրս եկաւ ուրիշ մշակներ զտաւ, որոնք պա-
րապ կանգնած էին և ասաց նրանց. «Ամբողջ
օրն ալստեղ բնչու էք պարապ կանգնել»: Մը-

շակներն ասացին նրան. «Որովհետև մեզ ոչ ով չվարչեց»: Այն ժամանակ տանուտէրն ասաց. «Իուք էլ գնացէք իմ այդին և ինչ որ արժան է, կստանաք»:

Երեկոյեան՝ այդու տէրը վերակացուին ասաց. «Կանչիր մշակներին և տուր նրանց իրանց վարձը՝ յետիններիցն սկսած մինչև առաջինները»: Ժամը տասնեւմէկին եկողները մօտեցան և մի մի դահեկան ստացան: Պոաջին մշակներն էլ եկան և կարծում էին, թէ աւելի կստանան, բայց նրանք էլ մի դահեկան ստացան: Բայց նրանք տանտիրոջից տրտնջացին և ասացին. «Այդ յետինները մի ժամ գործեցին և դրանց էլ մեզ հետ հաւասար վարձատրեցիր. մենք ենք օրուայ տաքութիւնը և ծանրութիւնը քաշել»: Նա էլ նրանցից մինին պատասխանեց և ասաց. «Ընկեր, քեզ չեմ զրբկում. չէ՞ որ դու ինձ հետ մի դահեկանով համաձայնեցար. քո վարձն առ և գնա. ես կամենում եմ որ այն ուշ եկողին էլ քեզ չափ տամ. միթէ ես իշխանութիւն չունեմ իմ ստացուածի հետ այնպէս վարուելու, ինչպէս իմ ցանկութիւնն է. ինչու ես նախանձում իմ առատաձեռնութեան վրայ»:

Այսպէս յետինները կլինին առաջին, իսկ առաջինները՝ յետին:

§ 5.

ԳԱՆՔԱՐՆԵՐԻ ԱՌԱԿԼ

Մի մարդ օտար երկիր էր գնում: Կանչեց ծառաներին և իւր ունեցածը նրանց յանձնեց —մէկին հինգ քանքար տուաւ, միւսին՝ երկու, իսկ երրորդին՝ մի—իւրաքանչիւրին իւր կարողութեան համեմատ և շտապով հեռացաւ:

Հինգ քանքար ստացողը գործ դրաւ փողը և նրանով ուրիշ հինգ քանքար էլ աշխատեց, նոյնպէս և երկու քանքար ստացողը գործ դըրաւ և երկու քանքար էլ աշխատեց: Իսկ մի քանքար ստացողը գնաց, գետինը փորեց ու տիրոջ տուած քանքարը թաքցրեց:

Մի քանի ժամանակից յետոյ վերադարձաւ ծառաների տէրը և նրանցից հաշիւ պահանջեց: Հինգ քանքար ստացողն եկաւ և աշխատած հինգ նոր քանքարը տիրոջը տալով՝ ասաց. «Տէր, որ ինձ հինգ քանքար տուիր, ահա ուրիշ հինգ քանքար ևս աշխատել եմ դրանով»: Տէրն ասաց նրան. «Ճատ լաւ, բարի և հաւատարիմ ծառայ, որովհետև քիչ բանի մէջ հաւատարիմ գտնուեցար, շատ բաների վերայ կառավարիչ կնշանակեմ քեզ, եկ, մասնակից եղի՞ր քո տիրոջ ուրախութեանը»: Պօտ եկաւ երկու քանքար ստացողն և ասաց. «Ինձ

երկու քանքար տուիր, տէր, ահա ուրիշ երկուսը ևս շահել եմ դրանով»։ Տէրն ասաց նըրան. «Ճամ լաւ, բարի և հաւատարիմ ծառայ, որովհետեւ քիչ բանի մէջ հաւատարիմ գտնուեցար, շատ բանի վրայ կառավարիչ կնշանակեմ, Եկ, մասնակից եղի՞ր քո տիրոջ ուրախութեանը»։

Մօտ եկաւ մի քանքար ստացողն և ասաց. «Տէր, ես գիտէի, որ դու խիստ մարդ ես, հնձում ես այնտեղից, ուր չես ցանել և հաւաքում ես, ուր չես փռել, ուստի վախեցայ քեզնից, դնացի և քո քանքարը գետնի մէջ թաքցրի—ահա քեզ քո տուածր»։ «Չար և վատ ծառայ, երբ դու գիտէիր, որ ես հնձում եմ այնտեղից, ուր չեմ ցանել, և հաւաքում, ուր չեմ փռել, ինչու իմ արծաթը չլանձնեցիր սեղանաւորին, որ ես այժմ տոկոսով պահանջէի նրանից; Ուրեմն առէք դրանից այդ քանքարը և տուէք տասն քանքար ունեցողին, իսկ այս անպիտան ծառային ձգեցէք մութը սենեակը, թող այնտեղ լաց լինի և ատամները կրծտացնէ»։

§ 6.

ՄԵԴԱՏԱՆ ԵՒ ԱՂՔԱՏ ՂԱԶԱՐՈՍԻ ԱՌԱԿԻ

Մի հարուստ մարդ հագնում էր ծիրանի և բեհեղ ու ամեն օր փառաւոր կեանք էր վա-

րում։ Մի աղքատ մարդ էլ կար՝ Ղազարոս անունով, որ հարստի դրանն էր ընկած. սա վէրքերով լիքն էր և կերակրում էր հարստի սեղանից թափուած փշրանքներով։ Ճները գալիս և լիզում էին նրա վէրքերը։

Աղքատը մեռաւ; Հրեշտակները տարան նրան Աբրահամի գոգը; Հարուստն էլ մեռաւ, բայց սա դժոխք գնաց։ Երբ հարուստը դժոխքում տանջանքների մէջ աչքերը բաց արաւ և հեռուից տեսաւ Ղազարոսին Աբրահամի գոգում նստած՝ ասաց. «Հայր Աբրահամ, խղճա ինձ, ուղարկի՞ր Ղազարոսին, որ մատի ծայրը ջրով թաց անէ և իմ պատկան լեզուն հովացնէ, որովհետեւ այս կրակի բոցերի մէջ տանջւում եմ»։ Աբրահամը պատասխանեց և ասաց. «Յիշի՞ր, որդեակ, որ դու քո կենդանութեան ժամանակ վայելում էիր երկրային բոլոր բարութիւնները, իսկ Ղազարոսը չարչարւում էր. այժմ նա այստեղ մխիթարւում է, իսկ դու տանջւում ես։ Բացի դրանից մեր և ձեր մէջ մեծ անդունդ կայ, այնպէս որ՝ ոչ մեր մօտից ձեր մօտ կարելի է անցնել և ոչ ձեր մօտից մեղ մօտ գալ»։

Հարուստն ասաց. «Աղաջում եմ, հայր, ուղարկի՞ր Ղազարոսին մեր տուն. ես հինգ եղբայր ունիմ. թող գնայ և նրանց զգուշացնէ,

որպէսզի նրանք էլ չգան այս տանջանքի տեղը»: Աբրահամը պատասխանեց. «Նրանք ունին լովսէս և մարդարէներ, թող նրանց լսեն»: Հարուստը պատասխանեց. «Ոչ, հայր Աբրահամ, եթէ մեռելներից մինը երժայ, նրանք անպատճառ կապաշխարեն»: Աբրահամը կրկնեց. «Երբ լովսէսին և մարդարէներին չեն լսում, եթէ մեռելներից մինը յարութիւն էլ առնէ և նըրանց մօտ դնայ, դարձեալ չեն հաւատայ»:

§ 7.

Յ Ի Ս Ո Ւ Խ Ի ՞ ՞ ՞ ՞ ՞ ՞ ՞

Կրկնել (Ա. ոսրէ երես 8 և առաջ)

«Փառք ի բարձունս Աստուծոյ և յերկիր խաղաղութիւն ի մարդիկ հաճութիւն: Եւ օրհնութիւն քեզ ի բարձունս. օրհնեալ ես տէր Աստուած մեր. օրհնեմք զքեզ և գովեմք զքեզ: Խոստովանիմք զքեզ և երկիրպագանեմք քեզ. փառաւորեմք զքեզ. գոհանամք տէր զքէն փասն մեծի փառաց քոց: Տէր թագաւոր սուրբդ երկնային, Աստուած և հայր ամենակալ: Տէր և որդի հօր միածին Յիսուս Քրիստոս և սուրբ որդի: Տէր Աստուած գառն Աստուծոյ և Որդի հօր, որ առեր զմերս ի կուսէն: Ողորմեցար.

բարձեր զմեղս աշխարհի և արդ ընկալ զաղաշանս մեր: Սուրբ որ նստիս ընդ աշմէ հօր ողորմեաց մեզ: Զի դու միայն սուրբ՝ դու միայն բարձրեալ ես՝ դու միայն տէր մեր Յիսուս Քրիստոս: Տէր և չողիդ սուրբ՝ որ ի փառս Աստուած ընդ հօր, ամէն:

§ 8.

Յ Ա Վ ; Ա Ն Ն Է Ս Մ Կ Ր Տ Ւ 2

Աւետումն: Հրէից չերովդէս թագաւորի ժամանակ մի քահանայ էր ապրում՝ անունը Զաքարիա: Նրա կնոջ անունը Եղիսաբէթ էր: Երկուսն էլ արդար էին և Աստուծու բոլոր պատուիրանները ճշտութեամբ էին կատարում: Նրանք գաւակ չունէին և երկուսն է ծերացած էին:

Մի անգամ երբ քահանայական պաշտօն կատարելու հերթը Զաքարիային հասաւ, տաճարը մտաւ ինկարկելու համար: Ժողովուրդը դուրս աղօթում էր: Խնկարկելու ժամանակ հրեշտակը երևաց Զաքարիային. նա խիստ վախեցաւ:

Հրեշտակն ասաց. «Մի վախենար, Զաքարիա, քո աղօթքը լսելի եղաւ. քո կին Եղիսաբէթը մի որդի կունենալ, որի անունը Յօվհան-

նէս կդնես. նա Աստուծու առաջ մեծ կլինի և իսրայէլի որդիներից շատերին դէպի ճշմարիտ Աստուածը կդարձնէ. նա կքարողէ և Աստուծու համար ժողովուրդ կպատրաստէ»:

Զաքարիան պատասխանեց հրեշտակին. «Ի՞նչով պիտի լմանամ ես այդ բանը, որովհետև ես էլ, կինս էլ ծերացած ենք»: Հրեշտակը պատասխանեց. «Ես եմ Գաբրիէլ հրեշտակը, որ կանգնում եմ Աստուծու առաջ. ես ուղարկուած եմ քեզ աւետելու. դու համբ կմնաս մինչև այն օրը, երբ այս բոլորը կկատարուի, որովհետև ինձ չհաւատացիր»:

Զաքարիան պապանձուեց, իսկ ժողովուրդն սպասում էր նրան և զարմանում, որ նա այդքան ուշացաւ: Երբ տաճարից դուրս եկաւ, այլ ևս չէր կարողանում խօսել: Զաքարիան նշաններով էր խօսում ժողովրդի հետո: Պաշտօնի օրերն անցնելուց յետոյ՝ վերադարձաւ տուն:

Ժ Ն Ո Ւ Ն Դ: Փամանակը լրացաւ և Եղիսաբէթը մի որդի ունեցաւ: Երբ նրա դրացիները և ազգականները լսեցին, որ Աստուած մեծ ողորմութիւն է արել, շատ ուրախացան:

Եօթն օրից յետոյ պէտք է մանկան անուն դնէին և կամենում էին Զաքարիա անուանել, բայց մայրն արգելում էր և ասում,

թէ նրա անունը Յովհաննէս պէտք է լինի: Բարեկամները պատասխանեցին նրան, որ քո ազգականների մէջ ոչ ոք այդպիսի անուն չունի: Վերջն ամենքն էլ հօրը գիմեցին, թէ նա ինչ անուն կցանկանայ դնել:

Այն ժամանակ թուղթ չկար: Զաքարիան մի տախտակ պահանջեց և նրա վրայ գրեց. «Յովհաննէս է սրա անունը»: Խոկոյն լեզուն բացուցեց—խօսում և օրհնում էր Աստուծուն: Ամենքն էլ զարմանում էին այս բանի վրայ և ասում. «Ինչ պէտք է դառնայ այս մանուկը»:

Մանուկ Յովհաննէսն աճում էր և հոգւով գորանում: Նա անապատումն էր ապրում:

Ք ա ր ո զ ո ւ թիւն: Աստուած հրամայեց անապատում ապրող Զաքարիալի որդի Յովհաննէսին Յորդանանի կողմերը գնալ և քարոզել: «Ապաշխարեցէք զի մերձեալ է արքայութիւն երկնից», ասում էր ամենին Յովհաննէսը: Նրա շորերը ուղտի բրդից էին, գոտիկը կաշուից, իսկ կերակուրը մարախ և վայրենի մեղք էր: Յովհաննէսի մօտ էին գնում երուսաղէմացիները, Հրէաստանի բոլոր ժողովուրդը, Յորդանանի կողմերից և խռատովանում էին իրանց մեղքերը: Ով ապաշխարում էր, Յովհաննէսը մկրտում էր նրան Յորդանան գետի մէջ:



§ 9.

Յ Ի Ս Ո Ւ Ս Ի Մ Կ Ր Տ Ո Ւ Թ Ւ Խ Ն Բ

Կ Ր Ե Լ (Պ Ե Ա. Պ Պ Ե Խ Ե Ա 13) և աղա

Ե Ր Ք Ք Ր Ո Ր Հ Ե Ը Ը Ց

Ո՞վ զարմանալի խորհուրդ այս մեծ յայտնեալ,
Արարիչն Աստուած ի Յորդանան եկեալ՝
Կամէք մկրտիլ ի ծառայէն իւլմէ.
Չառնոյր Կարապետն զմկրտիլն ի յանձ:

Ո՞րքան զարմանալի է մեզ յայտնուած այս մեծ
խորհուրդը—արարիչ Աստուածը Յորդանան գալով՝
կամենում էր մկրտուիլ իւր ծառայից, Բայց Կարապետ
Յովհաննէսը յանձն չէր առնում մկրտելը:

Յորդանան լուեալ՝ փախստական դառնայր,
Վտակ առ վտակ պատզամատր լինէր.
Գետ, մի՛ զարհուրիր, քո արարիչն եմ ես.
Եկեալ մկրտիմ եւ լուանամ զմեղս:

Յորդանանն այս բանը լսելով՝ փախչում էր,
Վտակը վտակին պատզամատր էր գնում (այս խոր-
հուրդը յայտնելու համար): Գետ, մի զարհուրիր, ես
քո ստեղծողն եմ. Եկել եմ, որ մկրտուիմ և լուանամ
մեղքերը (ուրիշների):

Այսօր ձայնն հայրական
Յերկնից իշեալ համոյական,

Սիրեցելոյ որդոյ վկայ.

Այ յորդորէ,

Գետ յորդորէ,

Գետ Յորդանան:

Յորդորական ձայնիւ երգէր

Մեծ Կարապետն Յովհաննէս:

Այսօր հայր Աստուծու հաճութեան ձայնը լրս-
ում է երկնքից և վկայում է իւր սիրելի Արդու
մասին: Այ յորդորէ, գետ Յորդորէ, գետ Յորդանան:
Յորդորական ձայնով էր երգում մեծ Կարապետ Յով-
հաննէսը:

§ 10.

Յ Ի Ս Ո Ւ Ս Ի Տ Ա Ճ Ա Ր Տ Ա Ն Ո Ւ Ւ Լ Բ

Երեխալի ծննդից քառասուն օր յետոյ՝
Մովսիսի օրէնքին համաձայն, եթէ մանուկն
արու էր և անդրանիկ, ծնողները տանում էին
Երուսաղէմ, նուիրում էին տաճարին և յետոյ
զոհ անելով յետ էին գնում: Հարուստները բե-
րում էին զառը, իսկ աղքատները մի զոյգ տատ-
րակ կամ աղաւնի:

Յիսուսի ծնողներն աղքատ էին, դրա հա-
մար էլ մի զոյգ աղաւնի տարան:

Այդ միենոյն ժամանակում Երուսաղէմում
բնակւում էր մի ծերունի մարդ, որի անունն

Էր Սիմէօն: Այս մարդն արդար էր և աստուածավախ: Վուրբ չոգին խոստացաւ, որ նա ըլպիտի մեռնի մինչև որ աշխարհիս Փրկչին՝ Յիսուս Քրիստոսին տեսնէ: Երբ մանուկ Յիսուսին տաճար բերին, սուրբ չոգւոյ ազգմամբ նա ևս եկաւ այնտեղ. մանկանը գիրկն առաւ. օրհնեց և ասաց. «Տէր, այժմ կարող եմ մեռնել, որովհետև ես տեսայ այն Փրկիչը, որին դու պատրաստել ես բոլոր ազգերի համար»: Դնողները զարմանում էին ծերունու խօսքերի վրայ: Սիմէօնն օրհնեց մանուկ Յիսուսին և Պարիստին:

Տաճարում կար մի ալրի կին՝ Աննա անունով. նա մարգարէուհի էր, 48 տարեկան. տաճարից ոչ մի ժամանակ չէր հեռացել. իւր օրերը ծոմով և աղօթքով էր անցկացնում ու զիշել ցերեկ ծառայում էր Աստուծուն: Երբ սա մանուկ Յիսուսին տեսաւ, շնորհակալութիւն արաւ Աստուծուն և պատմում էր ամենին, որ նա տեսել է խոստացեալ Պեսիային:

Ամենայն տարի փետրուար ամսի 14-ն տօնում ենք Յիսուսի տաճարին ընծալուիլը: Տօնի անունն է Տեառնը նուազած գալուա, որովհետև Սիմէօն ծերունին Յիսուսի (Տիրոջ) առաջդուրս եկաւ:

ՏԵՂ ՏԵՍՄՈՆԸՆԴՀԱՌԱԳԻ

Քրիստոն փառաց թագաւոր,
Այսօր եկեալ յընծայումն՝
Կատարենլով նա զօրէնս
Քառասնօրեայ գալստեամշն:

Փառքի թագաւոր Քրիստոսը կատարելով օրէնքը, եկաւ տաճարին ընծայուելու՝ քառասնօրեայ հասակում:

Զոր մարգարէն Եսայի
Ցառաջագոյն գուշակեաց
Երուսաղէմ՝ քաղաքին,
Սիմէօնի ծերունոյն:

(Այն), որ մարգարէն առաջուց գուշակեց Երուսաղէմ քաղաքին, Սիմէօն ծերունուն:

§ 11.

ՅԻՍՈՒՍ ՄՏՏՈՒԽ Է ԵՐՈՒՍԱՂԻՄ

Յիսուս Բեթանիայից դարձաւ Երուսաղէմ: Երբ Զիթենեաց լերան մօտեցաւ, աշտակերտներից երկուսին ուղարկեց և ասաց. «Գնայէք այս գիւղը, որ ձեր առաջեն է, այնտեղ կդտնէք մի կապած էշ, բացարէք և բերէք: Աշակերտները գնացին և այնպէս արին, ինչպէս որ Յի-

սուս հրամայել էր—բերին էշը և իրանց հանդերձները վրան ձգեցին: Յիսուս նստեց նրա վրայ: Փողովրդից շատերն իրանց հանդերձները ճանապարհի վրայ փռեցին, շատերն էլ ծառից ճիւղեր էին կտրում ու ճանապարհի վրայ փռում:

Երբ Յիսուս Զիթենեաց սարից սկսեց իջնել, աշակերտներն սկսեցին փառաբանել Աստուծուն այն ամենի համար, ինչ որ տեսնում էին: Իսկ ժողովրդից շատերը, որոնք տօնի պատճառով քաղաք էին եկել, երբ տեսան, որ Յիսուս Երուսաղէմ է մտնում, արմաւենու ճիւղեր վեր առան և դուրս եկան նրա առաջ:

Երբ Յիսուս մօտեցաւ քաղաքին, ասաց. «Երուսաղէմ, Երուսաղէմ, երանի դու դօնէ այսօր զգայիր, թէ որն է քո օգուտը, բայց այդ բանը դու չես տեսնում: Կդան օրեր, երբ քո թըշնամիները չորս կողմդ պատնէշներով կպատեն. քեզ հիմնայատակ կանեն, որդիքդ քո մէջ կըկոտորեն ու չեն թողնիլ, որ քո միջումը քարը քարի վրա կանգնէ»:

Ժողովուրդը շրջապատել էր Յիսուսին. աղաղակում էր և ասում. «Ո՞վսաննա Դաւթի որդուն, օրհնեալ է տիրոջ անունով եկող թագաւորը, ովսաննա բարձրումը»: Իսկ երբ Երուսաղէմ մտաւ, ամբողջ քաղաքը շարժուեցաւ. ամեն ոք հարցնում էր. «Ո՞վ է սա»: Հետը ե-

կող ժողովուրդը պատասխանում էր. «Սա Յիսուսն է՝ Նաղարէթի մարդարէն»:

Այդ օրը կոչւում է ՚Ծաղկազարդ և տօնում են Քատկից մի շաբաթ առաջ՝ կիւրակէ օրը: Այդ օրը եկեղեցում կանաչ ճիւղեր են բաժանում, որ լիշեցնում է նախկին ձիթենին և արմաւենին:

ՃԱՐԱԿԱՆ ՇԱՂԿԱԶԱՐԴԻ

Յորժամ՝ եկն Յիսուս
յԵրուսաղէմի քաղաքն,
Հնդ առաջ ելին ծերքն ոստովք ծիթենեօք
Եւ զԱստուածորդին փառատորէին:

Երբ Յիսուս Երուսաղէմ քաղաքն եկաւ, Տերերը նրա առաջ դուրս եկան՝ ձեռներին բռնած ձիթենու ճիւղեր և փառաւորում էին Աստուծու որդուն (Յիսուսին):

Ի լեռնէն Զիթենեաց
Տարածանէին մանկունքն զհանդերձս
իւրեանց,
Եւ ոստու ի ծառոց ըերեալ մատուցանէին
Աստուածորդույն՝ սուրբ թագաւորին:

Զիթենեաց լեռնիցն սկսած երայեցւոց մանուկները փռում էին իրանց հանդերձները ճանա-

պարհի վրայ. Ծառերից ճիւղեր էին կտրում և մատուցանում Աստուածորդուն՝ սուրբ թագաւորին (Յիսուսին):

Ոստովք եւ աերեւեալ օհթենեօք
Եքրայեցոց մանկունքն օրհնէին,
Ուրախ լե՛ր Երուսաղէմ քաղաք
Եւ ցնծա՛ Սիօն մայր Ակեղեցի:

Եքրայեցոց մանուկները ոստերով և տերեազարդ ձիթենիներով օրհնում էին և ասում. «Ուրախացիր, Երուսաղէմ քաղաք և ցնծա մայր Եկեղեցի Սիօն,

§ 12.

Յ Ի Ս Ո Ւ Ս Ի Խ Ա Զ Ե Լ Ո Ւ Թ Ի Ի Ն Ը

Կրէմէւ Յիսուսէ Խաչէլութէւնը (Դէ՛մ Ա. առէի, Էրէ 28) ապա

Երբ Պիղատոսը հաստատեց հրէաների վը-ճիռը, զինուորները հանեցին Յիսուսի կարմիր քղամիտը և հազարին իւր շորերն ու տարան խաչելու: Յիսուս ինքն էր տանում իւր խաչափայտը:

Երբ եկան այն տեղը, որ զագաթն էր կոչում, Եքրայեցերէն Գողգոթա, Յիսուսին քացախ խմացրին՝ լեղիի հետ խառնած, որ ցաւ չզգայ: Յիսուս ճաշակելուց յետոյ՝ չէր կամենում խմել: Նրա հետ խաչեցին երկու չարա-

գործներին էլ—մինին աջ, իսկ միւսին՝ ձախ կողմում: Ժամը երեքն էր, որ Յիսուսին խաչեցին: Յիսուսն ասաց. «Ներիբ դրանց, չալր, որովհետև իրանք էլ չդիմեն, թէ ինչ են անում»: Պիղատոսը մի տախտակ կախել տուաւ. խաչի վերևից: Տախտակի վրայ գրած էր—Յիսուս Նազովրեցի Թագաւոր Հրէ ից: Այս տախտակը հրեաներից շատերը կարդացին: Այն ժամանակ քահանայապետներն ասացին Պիղատոսին. «Մի՛ գրիր թագաւոր հրէից, այլ գըրիք, որ ինքն էր ասում, թէ թագաւոր եմ հրէից»: Պիղատոսը պատախանեց. «Ինչ որ գըրեցի, գըրեցի»:

Զինւորները ծաղրում էին նրան և ասում. «Եթէ դու ես հրեաների թագաւորը, փրկիք քեզ»: Անցուգարձ անողները հայհոյում էին նրան և գլուխները շարժելով ասում էին. «Ո՛վ տաճարը քանդող և երեք օրում շինող, ազատիք քեզ, եթէ Աստուծու որդի ես և իշիք «խաչեցը»:

Այսպէս էլ քահանայապետներն էին անում դպիրների ու ծերերի հետ միասին և ասում. «Ուրիշներին ազատեց, ինքն իրան չէ կարողանում ազատել. թէ որ նա խրաչէլի թագաւորն է, թող իջնէ խաչիցը և հաւատանք նրան»: Խաչուած չարագործներից մինը ևս հայ-

Հոյում էր նրան և ասում. «Եթէ դու ես Քրիստոսը, վրկիք քո անձն էլ, մեղ էլ», իսկ միւսը սաստելով՝ պատասխանեց նրան և ասաց. «Դու չե՞ս վախենում Աստուածանից, չէ՞ որ ինքդ էլ նոյն պատժի մէջն ես»:

Յիսուսի խաչի մօտ կանգնած էին նրա մակրը, մօրաքոյրը և Պարիամ մագդաղենացին: Յիսուս տեսնելով իւր մօրը և այն աշակերտին, որին սիրում էր, մօրը միսիթարելու համար ասաց. «Ոհա քո մայրը»: Եւ այն ժամանակից սկսած աշակերտն իրան մօտ առաւ Պարիամին:

Ժամի 6-ին խաւար իջաւ բոլոր երկրի վրայի: Ժամը ինսի դէմ (այսինքն մեր երեքին) Յիսուս բարձր ձայնով աղաղակեց և ասաց. «Աստուած իմ, Աստուած իմ, ինչու թողիր ինձ»: Սրանից յետոյ Յիսուսն ասաց. «Պարաւ եմ»: Զինուորների մինը վերցրեց սպունգը. թաթախեց քացախի մէջ և եղեղնի ծալրին դրած՝ մօտեցրեց նրա բերանին:

Երբ Յիսուս քացախը ճաշակեց, ասաց. «Ամենայն ինչ կատարուած է»: Յիսուս մի անգամ էլ խօսեց՝ ասելով. «Հայր հոգիս քո ձեռն եմ աւանդում»: Այս ասելով՝ խոնարհեցրեց զըլուխը և հոգին աւանդեց: Խոկոյն արևը խաւարեց. Երուսաղէմի տաճարի վարագոյրը երկու կտոր եղաւ՝ վերևից մինչև ներքեւ. Երկիրը շար-

ժուեց. Ժայռերը պատառուեցան և գերեզմանները բացուեցան: Հարիւրապետը և պահապանները, երբ տեսան շարժը և այն ամեն եղածներն, ասացին. «Ճշմարիտ որ սա Աստուծու որդի էր»: Ժողովուբդը, որ այս տեսարանը տեսնելով համար եկել էր, եղած բաները տեսնելով՝ կուրծքը ծեծում էր և յետ դառնում:

ՁԱՐԱԿԱՆ ԽԱՉԵԼՈՒԹԵԱՆ

Ո՞վ սքանչելի եւ տեսիլ ահատը, զԱրարիչն երկնի եւ երկրի այսօր տեսաք ի խաչին:

Սքանչելի՛ և զարհուրելի՛ տեսարան—երկնքի և երկրի ստեղծողին այսօր խաչի վրայ տեսանք:

Տեսեալ զՏէրն ի խաչին, խաւարեցաւ արեգակն եւ վարագոյր տաճարին ցելոյր վերուստ մինչ ի վայր:

Տիրոջը խաչի վրայ տեսնելով՝ արեգակը խաւարեց, տաճարի վարագոյրը վերևից մինչև վայր պատառուեց:

Անարգաբար խաչեցաւ Տէրն ի մէջ ի յանօրինաց. զի լցցի զիրն որ ասէ, թէ ընդ անօրէնս համարեցաւ:

Անպատիւ ձեռվ խաչուեցաւ տէրը երկու աւա-
զակների մէջ, որպէսզի կատարուի (մարգարէի) գը-
րուածը, թէ անօրէնների կարգը դասուեցաւ:

§ 13.

Յ Ի Ս Ո Ւ Ս Ի Թ Ա Ղ Ո Ւ Մ Ն Ե Ւ
Յ Ա Ր Ո Ւ Թ Ի Խ Ն Ը

Կրէնէլ Յեռունի լուղուան և յարութենը (Պէ՛ս Բ. պատէ
երես 13, 14 և աղյա

ԶԱՐԱԿԱՆ ԹԱՂՄԱՆ

Պարզեւատուն ամենեցուն
Այսօր ինդրի պարզես ի Պիտատուէ.
Եւ արկողն զլյոս որպէս զօթոց
Հաւանի պատիլ ի Յովսէփայ:

Ամենին պարզե տուողն այսօր ինքը որպէս
պարզե է խնդրում Պիղատոսից և նա, որ լոյսն
իբրև հանդերձ ունէր հազած, յանձն է առնում
Յովսէփից պատանուիլ:

§ 14.

Ք Ր Ի Ս Տ Ո Ս Ի ։ Ա Մ Բ Ա Ր Զ Ո Ւ Մ Ն

Կրէնէլ Յեռունի համբարձուան (Պէ՛ս Բ. պատէ երես 16 աղյա

ԶԱՐԱԿԱՆ ՀԱՄԲԱՐՁՄԱՆ

Համբարձաւ Տէրն մեր յերկինս:

Ասելով աշակերտացն՝
Նստալուք ի քաղաքիդ յերուատէմ՝
Մինչեւ զգենուցուք զգօրութիմ ի քար-
ճանց:

Մեր Տէրը երկինք համբարձաւ՝ ասելով աշա-
կերտներին. Երուսաղէմ քաղաքում մնացէք՝ մինչև
վերեից (Երկնքից) զօրութիւն (Ս. հոգւոյ շնորհը)
կստանաք:

Միաբանեալ սուրբ առաքեալքն
Միախորհ եւ միակրօն,
Միաբան նստէին ի սուրբ վերնատանն
Եւ ակն ունէին զալստեան սուրբ հոգւոյն:

Սուրբ առաքեալները մի սիրտ, մի հոգի դա-
ռաձ՝ վերնատանը նստաձ՝ սպասում էին սուրբ Հոգ-
ւոյ դալստեանը:

Յանկարծակի եհաս
ի նմանութիւն լուսոյ փայլման
Եւ եկեալ ընակեցաւ ի սուրբ առաքեալսն
Մինչդեռ նստէին ի սուրբ վերնատանն:

Լուսոյ փայլի նման յանկարծ եկաւ (Ս. հոգին
և դադարեց առաքեալների մէջ, երբ որ նրանք
վերնատանն էին նստաձ:

§ 15.

ՅՈԳԵԳԱԼՈՒՍ

ԿՐԻՇԵԼ ՀՐԴԵՔՄԱՆՆ (Պէ՞ Բ. ՄԱՐԵ ԵՎԵ՞ 16)

ՃԱՐԱԿԱՆ ՀՈԴԵԳԱԼՍՏԵՍՆ

Առաքելոյ աղաւնոյ
Իշաններվ մեծածայն հնչմամը՝ ի բարձանց
ի նմանութիւն լուսոյ փայլման հրազինեաց
գանկիզելի գաշակերտսն՝
Մինչդեռ նստէին ի սուրբ վերնատան:

Ուղարկուած աղաւնին վերեկց բարձր ձայնով
իշաւ. նա, որպէս լուսոյ փայլ, առանց ացելու՝ հրա-
զինեց աշակերտներին, երբ որ վերնատանը նստած
էին:

§ 16.

ՍՈՒՐԲ ՍՏԵՓԱՆՆՈՍ ՆԱԽԱՎԱՅՐ

Հոգեգալստից յետոյ կարճ ժամանակուայ
մէջ հաւատացեալների թիւն այնքան բազմա-
ցաւ, որ առաքեալներն ալլ ևս չէին կարողա-
նում հոգ տանել նրանց, ուստի ընտրեցին ի-
րանց համար եօթն օգնականներ կամ սարկա-
ւագներ: Դրանցից մինն էր Ստեփաննոսը:

Ստեփաննոսը մի շնորհալի մարդ էր — այնո-
պէս էր քարոզում աւետարանը, որ ամենի սիր-
տը զբաւում էր և ֆրիստոսին հետևող էր դարձ-
նում: չէնց դրա համար էլ շատերը նախան-
ձեցին և նրան հակառակ էին խօսում, բայց
Ստեփաննոսը չոգուոյն սրբոյ շնորքով լցուած՝
ամենին էլ յաղթում էր: Թշնամիները երբ տե-
սան, որ խելքով նրան չեն կարողանում յաղ-
թել, սկսեցին բամբասել, սուտ վկաներ դտան՝
որպէս թէ նրանք լսել են Ստեփաննոսից, որ
ասել է, թէ նազովեցի Յիսուսը կքանդէ Երու-
սաղէմի տաճարը և Մովսիսի օրէնքները կփոխէ:

Սրա համար Ստեփաննոսին ատեան տարան
և այս բանի համար գանգատուեցին նրանից:
Քահանայապետը հարցրեց. «Ինչ որ քեզ վրայ
ատում են, ճիշտ է արդեօք»: Ստեփաննոսը գե-
ղեցիկ կերպով խօսեց և ցոյց տուաւ, որ ինքը
Աստուծու և նրա ծառայ Մովսիսի օրէնքները
սիրում և կատարում է: Ընդհակառակը նրանք
են Աստուծու օրէնքները չկատարողը և սրտով
էլ շատ հեռի են նրանցից:

Այս բանի վրայ խիստ բարկացան և սկսե-
ցին ատամները կրճտացնել: Ստեփաննոսն ամե-
նախին չէր վրդովւում — խաղաղ, հանգիստ էր.
Նրա երեսին նայողը կկարծէր թէ հրեշտակ լի-
նի: Ստեփաննոսը երկինք նայեց և յետոյ ասաց.

«Ահա ես տեսնում եմ երկինքը բացուած և
Յիսուս Քրիստոսը հայր Աստուծու աջ կողմում
նստած»:

Այս որ լսեցին, ականջները խցեցին, բարձր
ձայնով սկսեցին աղաղակել և լարձակուել Ստե-
փաննոսի վրայ: Նրան դուրս տարան քաղաքից,
շորերը հանեցին և դրին մի ջահիլ մարդու ոտ-
ների տակ, որի անունն էր Սաւուդ: Յետոյ ա-
մեն մինը մի-մի քար վեր առան և սկսեցին
Ա. Ստեփաննոսին խփել՝ քարկոծ անել:

Այս քարկոծելու ժամանակ Ա. Ստեփան-
նոսն աղօթք էր անում իւր թշնամիների հա-
մար և ասում. «Ճեր Յիսուս, առ իմ հոգին,
մեղք մի՛ համարիր սրանց արածը»: Այս խօս-
քերն ասաց և մեռաւ: Ա. Ստեփաննոսի քար-
կոծմանը Սաւուդն էլ մասնակից էր:

Այսպէս Ա. Ստեփաննոսն առ աջինը
(նախ) եղաւ, որ արիւն թափեց՝ վկասու-
թիւն տուաւ, թէ Յիսուս Քրիստոսն Աստու-
ծու որդի է և դրա համար էլ նախավկաս
անունն ենք տալիս:

Ա. Ստեփաննոս նախավկասի տօնը կատա-
րում ենք դեկտեմբերի վերջերին:

§ 17.

ՍԵԿՈՒՂԻ ԴԵՐՁԸ

Քրիստոսի հաւատացողների թիւը քանի
գնում աւելանում էր և որքան աւելանում էր,
այնքան էլ նրա թշնամիներն էին բաղմանում:
Դրանցից նշանաւոր է մինը, որի անունը Սա-
ւուդ էր: Այս այն Սաւուդն է, որ Ա. Ստեփան-
նոսի սպանմանն էլ մասնակից էր: Սա Երու-
սաղէմում մտնում էր տները, ուր որ Քրիստո-
սին հաւատացող էր գտնում, խոյն իշխանու-
թեանն էր մատնում: Նա սրանով չբաւակա-
նացաւ, գնաց քահանայապետի մօտ, իրաւունք
խնդրեց, որ Գամասկոս քաղաքը գնայ և եթէ
այնուեղ էլ հաւատացեալներ գտնէ, կապած
Երուսաղէմ ուղարկէ:

Գամասկոսին չհասած՝ լանկարծ երկնքից
լոյս փայլատակեց: Սաւուդը երեսի վրայ ընկաւ:
Երկնքից ձայն եկաւ, որ ասում էր. «Սաւուդ,
Սաւուդ, ինչու ես ինձ հալածում»: Սաւուդը
հարցրեց. «Ո՞վ ես, Տէր»: Զայնը պատասխանեց.
«Ես այն Յիսուսն եմ, որին դու հալածում ես,
բայց վեր կաց. գնաց քաղաք. այնտեղ կիմա-
նաս, թէ ինչ պիտի անես»: Նրա հետ գնա-
ցող մարդիկը լուռ ու մունջ կանգնած էին,
ձայնը լսում էին, բայց ոչինչ չէին տեսնում:

Սաւուղը տեղից վեր կացաւ, բայց ոչինչ չէր տեսնում: Նրա ձեռից բռնած՝ տարան Դամասկոս: Նա այնտեղ քանի մի օր մնաց առանց ուտելու և խմելու:

Դամասկոսում բնակւում էր Քրիստոսի աշակերտներից մինը՝ որի անունն էր Անանիա: Աստուած ասաց նրան տեսիլքում. «Անանիա: Նա պատաժան տուաւ և ասաց. «Արտեղ եմ, Տէր»: Տէրն ասաց. «Վեր կաց և գնա այն փողոցը, որ կոչւում է ուղիղ. այնտեղ Յուդայի տանը հարցրու տարսոնացի Սաւուղին, նա դեռ աղօթքը չէ վերջացրել»: Անանիան պատաժան տուաւ և ասաց. «Այդ մարդու մասին շատերիցն եմ լսել, որ քեզ հաւատացողներին չարչարում էր Երուսաղէմում. այժմս էլ քահանայապետից իրաւունք է ստացել այստեղ դալ և շղթայով կապել նրանց, որոնք քեզ հաւատում են»: Աստուած ասաց նրան. «Գնա, նա իմ ընտրութեան անօթն է. նա կվկայէ իմ մասին և կքարողէ հեթանոսներին՝ թագաւորների և իսրայէլի որդւոց առաջ»:

Անանիան գնաց Յուդայի տուն, ձեռը գրլիխին դրաւ և ասաց. «Սաւուղ եղբայր, վերև մտիկ տնւր, այն Յիսուսը, որ ճանապարհին քեզ երևաց, նա ուղարկեց ինձ քեզ մօտ, քո աչքերը բժշկեմ, որ սուրբ Հոգւով լցուես»: Քրիս-

տոնեաններին հալածող Սաւուղը հաւատաց Քրիստոսին և Քրիստոնեայ դարձաւ: Արանից յետոյ Սաւուղը մի քանի օր Դամասկոսում մնաց Յիսուսի աշակերտների մօտ:

Սաւուղը քարոզում է Յիսուսի մասին: Սաւուղը միւս օրն սկսաւ քարոզել Յիսուս Քրիստոսի մասին: Նա՝ որ եկել էր հալածելու հաւատացեալներին, ինքը հաւատացեալ էր դարձել: Լսողները զալմանում էին և ասում. «Սա այն մարդը չէ, որ եկել էր Յիսուսի հաւատացողներին բռնելու և կապահ քահանայապետի մօտ ուղարկելու»: Սաւուղը և՛ս աւելի զօրանում էր և քարոզում Դամասկոսում: Դամասկոսացիք չէին կարողանում նրան պատաժան տալ, վըճռեցին, որ սպանեն նրան: Քաղաքի դռների մօտ պահապաններ էին նշանակել, որ չփախչէ: Այս բանն իմացան Յիսուսի աշակերտները—զիշերով քաղաքի պարսպից վայր թողին և փախցրին:

Սաւուղը դարձաւ Երուսաղէմ և եկաւ առաքեալների մօտ: Ոչ ոք չէր ուզում հաւատալ, թէ նա Յիսուսի աշակերտ է դառել: Աշակերտներից մինը, որի անունը Բառնաբաս էր, պատմեց առաքեալներին Դամասկոսի ճանապարհին պատահածը և այն՝ թէ ինչպէս Սաւուղը քարոզել է նոյն քաղաքի ժողովրդին:

Այնուհիտև Սաւուղը համարձակ կերպով քարոզում էր Երուսաղէմի մէջ նազովրեցի Յիսուսի մասին: Հրէաները շատ բարկացան և մտները դրին սպանել նրան: Բայց առաքեալները խորհուրդ տուփին նրան հեռանալ հայրենի Տարսոն քաղաքը:

§ 18:

Ս Ե Ն Դ Ո Ւ Խ Տ Տ Կ Ո Յ Ս

Կրէնէլ Թագուհու և Բարդուալի հոռո (բէ՛ Բ. առջէ էւէ՛ 25)

Ս. ՍԱՆԴՈՒԽԾ ԿՈԽՄԻ ՃԱՐԱԿԱՆՔ

Քեւ պարծի այսօր սուրբ Եկեղեցի.
Ով վկայունի սուրբ Սանդուխտ.
Որ գհայրականն քո թողեր զպաշտօն
Վասն Քրիստոսի հեղեր զարին քո սուրբ:

Ո՞վ վկայուհի Ս. Սանդուխտ, քեզանով այսօր պարծենում է Ս. Եկեղեցին, որովհետև թողեցիր քո հայրական աթոռի մեծութիւնը և Քրիստոսի համար սուրբ արիւնդ թափեցիր:

Աշակերտեցար առաքելոյն Թաղէի
Եւ ի հաւատս ծշմարիտս հաստատեցար
Ոչ իսամնելով ընդ հեթանոսական պաշտօնս
Արժանի եղեր վերանալ առ Հայր:

Թաղէոս առաքեալին աշակերտուհի դարձար.

(նրա ձեռքով) ճշմարիտ հաւատի մէջ հաստատուեցար. մերժեցիր հեթանոսութիւնը և արժանացար Երկինք գնալու՝ հայր Աստուծու մօտ.

§ 19.

Ս. ԳՐԻԳՈՐ ԼՈՒՍԵՒՈՐՉԻ ԽՈՐՎԻՐԱԳ ՄՏԱՅԼ

Կրէնէլ Ս. Գրէտր Լուսեւորչէ յօդուածէ հոմաղաբառիոն հոռուածը (բէ՛ Բ. առջէ 27) և աղա

Ս. ԳՐԻԳՈՐ ԼՈՒՍԵՒՈՐՉԻ ՃԱՐԱԿԱՆՔ

Հարակից հոգեղինաց Երկնային զօրացն Սրբափայլ զգեստուք, տէր Գրիգորիոս,
Ի խոր վիրապին իշեր ի տղմին ի մէջ դառնաշունչ օծիցն,
Զի վրկեցես զմեզ ի շար վիշապէն:

Ո՞վ տէր Գրիգորիոս, գու քո մաքուր զգեստով (անարատ վարքով) հրեշտակներին դասակից եղար. գու իշար դառնաշունչ օձերով լիքը Խորվիրապի տղմի մէջը, որպէսզի մեզ փրկես չար վիշապիցը (սատանայից):

§ 20.

Ս. ԳՐԻԳՈՐ ԼՈՒՍԵՒՈՐՉԻ ԽՈՐՎԻՐԱԳԻՑ ԴՈՒՐՍ ԳԱԼ

Կրէնէլ Ս. Գրէտր Լուսեւորչէ յօդուածէ հոմաղաբառիոն հոռուածը (բէ՛ Բ. առջէ էրէ՛ 35) և աղա

Հայաստանեայց հայր հաւատոյ հեղինակ ընտրեալ

Ճգնողական վարուք, տէր Գրիգորիոս,
ի կոճեղս ոլորեալ, հուեալ յարենէ սրունք
սրբանեալ մարսնող՝
Հաստատելով զմեզ ի վէմն հաւատոյ:

Հայաստանցիներիս հաւատոյ հայր, ով Ս. Գրի-
գորիոս, դու քո ճղնողական վարքովը ընտրուեցիր
հեղինակ, սուրբ մարմնիդ սրունքները կոճղի մէջ
արիւնաքամ արիր, որպէսպի մեզ հաստատես հաւա-
տոյ վիմի վրայ:

Տանն Աստուծոյ տեսանող քարի
Արժանացեալ շնորհիւ, տէր Գրիգորիոս,
Կործանիչ քազնեաց, քակտիչ մեհենաց զօ-
ռութեամբ խաչին
Քահանայապետ ընտրեալ աստուածային
յայտնութեամբն:

Ո՞վ տէր Գրիգորիոս, դու քո ստացած շնորհով
Աստուծու տանը (Եկեղեցուն) բարի կառավարիչ ե-
ղար. խաչի զօրութեամբ բազիներն ու մեհեանները
քանդեցիր ու քահանայապետ ընտրուեցար Աստուծու
յայտնութիւնով.

§ 21.

Ս. ՍԱՀԱԿ ՊԱՐԹԵԻ ԵՒ ՄԵԽՐՈՎՔ ՄԱԶՈՑ

Սուրբ Գրիգոր լուսաւորչից յետոյ կաթո-
ղիկոսութիւն էին անում նրա ժառանգները:

Լուսաւորչի տան վերջին ժառանգն էր Ս. Սա-
հակ պարթևը: Սա շատ խելօք մարդ էր, ա-
ռաքինի և բարեպաշտ: Թէև ամբողջ Հայաս-
տանը վաղուց քրիստոնեայ էր, բայց հայերէն
սեփական գիր չունենալու պատճառով՝ քրիստո-
նէութիւնը ժողովրդի համար անհասկանալի էր
մնում: Եկեղեցիներում սուրբ զիրքը կարդաց-
ւում էր կամ յունաց կամ ասորւոց լեզուներով:
Նոյն լեզուներով էր լինում և ժամերգութիւնը:
Սուրբ սահակը շարունակ մտածում էր այս մա-
սին և աշխատում էր հայերէն գիր գտնել:

Սուրբ Սահակի ժամանակ կար և մի ու-
րիշ մարդ, որ նոյնպէս շատ էր մտածում այդ
մասին—դա սուրբ Մեսրովը էր: Սա գիւղացու
որդի էր, ընդունակ, աշխատասէր. լաւ զիտէր
յունաց, ասորւոց և պարսից լեզուները: Ս. Մես-
րովը շատ էր սիրում Ս. Սահակին և երբ նա
կաթողիկոս եղաւ, սա էլ վարդապետ դարձաւ:

Ս. Մեսրովը վարդապետ դառնալով՝ քա-
րոզում էր ամեն տեղ և սուրբ աւետարանը
մեկնում էր ժողովրդին հասկանալի լեզուով,
այսինքն հայերէն: Միւս վարդապետներն այդ
միեւնոյնը չէին կարողանում անել, որովհետև
չզիտէին ոչ յունաց և ոչ ասորւոց լեզուները:

Սյու բանին մի ճար անելու համար Ս.
Սահակի խորհրդով ուսումնական մարդկանցից

մի ժողով եղաւ Վաղարշապատում։ Այստեղ Վռամշապուհն ասաց, որ ինքը լսել է թէ Դանիէլ անունով մի ասորի եպիսկոպոսի մօտ կան Հայերէն տառեր։ Փողովը մարդ ուղարկեց Դանիէլ եպիսկոպոսի մօտ և բերել տուաւ տառերը, բայց որովհետև այդ տառերը լրիւ չէին, նըրանցով չկարողացան Հայոց լեզուի բոլոր հընչւներն արտայատել։ Սրանից յետոյ Ա. Մեսրովը գնաց զանազան գիտնականների մօտ և աշխատեց նրանց օգնութեամբ Հայոց տառեր գտնել, բայց այդ բոլոր աշխատանքն ի զուր անցաւ, ոչ ոք չկարողացաւ օգնել նրան։

Տառերի գիտութ։ Մարդկանցից յոյսը կըտրած Ա. Մեսրովը սկսեց ջերմեռանդ կերպով աղօթք անել և խնդրել Աստուծուն, որ օգնէ իրան Հայերէն տառեր գտնելու։ Այդ ժամանակ Ա. Մեսրովը այնքան էր մտածում տառերի մասին, որ էլ ուրիշ ոչինչ չէր լսում և տեսնում։ Նա ոչ արթուն էր և ոչ քնած։ Եւ ահա այդ դրութեան մէջ նրան մի ձեռք երեաց և գրեց տառերը։ Այդ տառերի ձեռ Ա. Մեսրովը մըտքումը պահեց և սթափուելուց յետոյ՝ տախտակի վրայ նշանակեց։

Երբ Ա. Մահակը և Վռամշապուհը լսեցին, որ Մեսրովը գտել է տառերը և գալիս է,

դուրս եկան նրա առաջը մեծ բազմութիւնով պատուով ընդունեցին նրան և բերին Վաղարշապատ քաղաքը։

Տառերը գտնելուց յետոյ Ա. Մահակը և Մեսրովը Վռամշապուհի օգնութիւնով սկսեցին բազմաթիւ ուսումնարաններ բաց անել և սովորեցնել Հայերէն տառերով գրել և կարդալ։ Եկեղեցիներում ժամերգութիւնը Հայերէն էր լինում և աւետարանը Հայերէն էր կարդացւում։ Ժողովուրդը, որ մինչև այժմ եկեղեցի գնալով բան չէր հասկանում, այժմ խիստ ուրախ էր որ ժամերգութիւնը հասկանում էր։

Բացի դրանից Ա. Մահակը Հայերէն լեզուով զրեց շատ շարականներ՝ եկեղեցում երգելու համար. նա յօրինեց շարականների ութը եղանակները, որ մինչև հիմա էլ երգում ենք մեր եկեղեցում։

ՃԵՐԱԿԱՆ Ա. ՄԱԿԱԿԱՅ

Որ յարմատոյ հարցն սրբոց մեզ զաւագան լոլիսեցեր. զիսահակ սուրբ հայրապետն, հովուել զհօտ քո Քրիստոս։

(Տէր), դու սուրբ հայրերի ցեղից Ա. հայրապետ Մահակին մեզ հովուող գաւազան (կաթողիկոս) տուիր, (ժողովուրդ), եկէք վերապատուենք նրան։

Որ զիսաւարն անզիտութեան Հայաստանեաց լուծեր, զիմաստութեան ծագմալ զլոյս սովաւ որդոցս Թորգոմայ:

Թու հայաստանցիներիս տփիտութեան խաւարը փարատեցիր և նրա (Ս. Սահակի) միջոցով Թորգոմայ որդոց համար իմաստութեան լոյսը ծագեցրիր:

Որ զհանդերձեալ խորհուրդ քո, Տէր, տեսլեամբ սրբոյն ծանուցեր, յիշատակի սուրա ընկալ զտօնողաց աղաչան:

Տէր, դու քո ապագայ խորհուրդը Ս. Սահակի տեսիլքով յայտնեցիր (մեզ), այժմ մեր աղաչանքն ընդունիր, որ սրա ցիշատակը տօնում ենք:

§ 22.

Թ. Ա. Բ. Գ. Մ. Ե. Ն. Ի. Զ. Ն. Ե. Ր

Քանի որ Հայոց ուսումնարանների թիւը շատանում էր և եկեղեցում հայերէն էին կարդում և երգում, այնքան էլ յոյների նախանձը աւելի էր շարժւում. նրանք ուզում էին, որ առաջուայ նման էլի յունաց լեզուով կարդան և երգեն հայոց եկեղեցիներում:

Այդ ժամանակ Հայաստանը բաժանուած էր երկու մասի—մի մասը պարսիկների իշխանութեան տակն էր և նրանց էր հարկ տալիս,

իսկ միւս մասը՝ յոյների: Զնայելով որ հարկ էին տալիս, բայց ամեն մի մասի թագաւորը հայ էր լինում:

Այդ ժամանակ յունաց մասի Հայաստանում յոյները չէին թողնում հայերին ոչ ուսումնարան բաց անել և ոչ էլ եկեղեցիներում հայերէն կարդալ ու գրել: Արա համար Ս. Սահակը նամակ գրեց յոյների կայսրին, որ նըստում էր կոստանդնուպոլիս քաղաքում և նրանց պատրիարքին ու խնդրեց, որ նրանք ևս թոյլ տան իրանց մասի Հայաստանում ուսումնարաններ բանալ՝ հայերէն սովորցնելու և եկեղեցիներում հայերէն ժամերգութիւն անելու համար: Բացի դրանից Ս. Սահակը նամակ տուաւ Ս. Մեսրովքին և իւր թոռն Վարդան Մամիկոնեանին և ուղարկեց նրանց Կ. Պօլիս: Նրանց հետ ուղարկեց շատ ընծաներ յունաց կայսեր և ուրիշ մեծամեծներին, որպէսզի սրանով շահէ նրանց սիրտը:

Յունաց կայսրը սիրով ընդունեց Ս. Մեսրովքին և Վարդանին ու կատարեց Ս. Սահակի խնդիրը: Այնուհետեւ յունական մասումն էլ բացուեցան շատ ուսումնարաններ, որտեղ սովորցնում էին հայերէն, իսկ եկեղեցիներում ժամերգութիւնը լինում էր հայ լեզուով:

Ս. Սահակը և Մեսրովքը իրանց յառաջա-

դէմ աշակերտների հետ թարգմանեցին Սուրբ գիրքը և ուրիշ շատ գրքեր: Յառաջադէմ աշակերտներին ուղարկում էին այն ժամանակուայ մեծ քաղաքները, որ այնտեղ լաւ սովորեն լունաց և ասորւոց լեզուները: Մրանք ուսումն աւարտելուց յետոյ Հայաստան դարձան և ուսումնարաններում իրանց սովորածը աշակերտներին էին սովորցնում. նոր դրքեր էին զրում և թարգմանում և կամ քահանայ, վարդապետ, եպիսկոպոս դառնալով՝ Հայաստանի զանազան քաղաքներն ու գիւղերն էին գնում և սովորցնում ու քարոզում էին ժողովրդին: Ոչ մի ժամանակ Հայաստանն այնքան առաջ չէր գնացել և լուսաւորուել, ինչպէս այժմ: Ոչ մի ժամանակ այնքան գրքեր չէին զրուել ու թարգմանուել, ինչպէս Ս. Սահակի, Մեսրովի և նըրանց աշակերտների օրերում:

ՃԵՐԱԿԱՆ ԹՄՐԳՄԱՆՑ

Որ զգիտութիւն քո զերկնային եւ զհոգեւոր իմաստութիւն առատապէս ծաւալեցեր յեկեղեցիս Հայաստանեայց՝ ՚ի ձեռն սրբոց թարգմանչաց, աղաշանօք սոցա ողորմնամեզ Աստուած:

Աստուած, դու որ քո երկնային գիտութիւնը

և հոգեոր իմաստութիւնը առատօրէն տարածեցիր չայոց եկեղեցիներում սուրբ թարգմանիչների ձեռքով, սրանց խնդիրքով ողորմիր մեզ:

§ 23.

ԱՏՈՎՄԵԱՆՑ ՆԱ; ԱՏԱԿՈՒԹԻՒՆԸ

Վռամշապուհի մահուանից յետոյ հայոց թագաւորութիւնը շուտով վերջացաւ և մեր երկիրը դարձաւ հարկատու պարսիկ թագաւորներին: Պարսիկները կռապաշտ էին, իսկ հայերը քրիստոնեայ:

Այդ ժամանակ Պարսկաստանում իշխում էր Յազկերտ երկրորդը: Այս թագաւորը կամենում էր Հայաստանը նուաճել և բոլոր հայերին էլ իրան ծառայ դարձնել: Իւր այս միտքը յաջողցնելու համար մտածեց, որ քըխստոնէութիւնը ջնջէ մեր երկրից, որովհետև նա ասում էր—քանի որ հայերը ուրիշ կրօն ունին, մեզ հետ չեն միանայ. Հենց որ նրանց կրօնը փոխենք և ստիպենք, որ նրանք էլ մեզ նման արե և կրակ պաշտեն, այն ժամանակ միայն հայերը մեր ծառաները կդառնան և նրանց երկիրն էլ մերը կլինի: Դրա համար Յազկերտը պարսիկ իշխանների և մոգպետների հետ խորհուրդ արաւ, թէ ինչ ձեռվ սկսեն և գլուխ

հանեն այս գործը: Որոշեցին որ թագաւորն իրան հարևան չոնաց դէմ պատերազմ սկսէ և իւր իշխանութեան տակ եղող հայ իշխանների և գօրքերի հետ պատերազմ դնայ, որպէսզի գօրքի և իշխանների հեռանալով՝ մնացած հայ ժողովուրդը վախենայ և Յազկերտի հրամանին չկարողանայ հակառակել:

Ճուտով Հայաստան հրաման ուղարկեցին: Հայ իշխանները չիմանալով պարսիկների մտադրութիւնը, զօրքերն առան և Պարսկաստան դնացին: Սրանց հետ միացան պարսիկ զօրքերն էլ և չոնաց դէմ անցան: Բրկու տարի շարունակ կրուեցին: Բայց ոչինչ չկարողացան անել: Մենակ հայերը չէին որ պարսիկներին օգնում էին չոնաց դէմ, էլի ուրիշ շատ քրիստոնեաց ազգեր կային: Պատերազմից լետոյ Յազկերտը հին զօրքերին իրանց երկիրներն ուղարկեց, իսկ նըրանց տեղ նորերը բերել տուաւ:

Այսպէս եօթը տարի շարունակեց: Այս ժամանակուայ մէջ իւր մօտ եղած քրիստոնեայ իշխաններին մի քանիսին փող էր բաշխում, մի քանիսին պատիւ էր խոստանում և յորդորում էր, որ պարսից կրօնն ընդունեն: Բայց իզուր, որովհետեւ ոչ ոք կրօնափոխ չեղաւ:

Յազկերտը երբ տեսաւ, որ հայերը պատիւներից չեն խաբւում և իրանց կրօնը չեն փո-

խում, այժմ յայտնի հրաման հանեց, որ իւր իշխանութեան տակ եղող քրիստոնեաները հաւատներն ուրանան և արևելին ու կրակին երկրպագութիւն տան: Իւր մօտ եղող քրիստոնեայ զօրքերին նորից հոնաց դէմ պատերազմի տարաւ, և շատ չարչարեց ճանապարհին, իսկ պատերազմը վերջանալուց լետոյ էլ չժողեց, որ իրանց երկիրը դառնան, այլ զանազան տանձանքներ տալով նորից ստիպում էր հաւատներն ուրանալ: Ատովմ Գնունի և մի քանի հայ իշխաններ, երբ տեսան Յազկերտի արածները և հասկացան նրա նպատակը, զօրքն առան և Հայաստան փախան, բայց պարսիկները նրանց ետեւ հասան և ամենին էլ կոտորեցին: Սրանք չմոռացան իրանց պապերի կրօնը և ամենքն էլ մեռան ու մարտիրոսներ՝ նահատակներ դարձան:

Այս նահատակութիւնը Ատովմ իշխանի անունով կոչում է Ատովմ եանց նահատակութիւն: Եկեղեցին սրանց համար առանձին տօն է սահմանել և ամենայն տարի տօնում է, բուն բարեկենդանի առաջին շաբթում:

Դենշապուհ, Միհրներսեհ հազարապետի նամակը եւ հայերի պատասխանը: Յազկերտը մնացած հայ իշխաններին չժողեց, որ

Պարսկաստանից յետ դառնան չայաստան։ Դենշապուհ անունով մի պարսիկ իշխան մեր երկիրն ուղարկեց, որ հայերին չարչարէ և ստիպէ ժողովրդին Յազկերտի հրամանին հնազանդուել։ Սա եկաւ, երեսանց խաղաղութիւն էր ցոլց տալիս, իսկ ծածուկ աշխատում էր հայ իշխաններին, որոնք չայաստանումն էին մնացել, միմեանց հետ կոռւացնել։ Հարկ դրաւ եկեղեցիների վրայ. սովորական հարկերը կրկնապատիկ աւելացրեց և այսպէս կամաց-կամաց չայաստանը տկարացնում էր։ Բայց էլի չհասան իրանց նպատակին։

Պարսիկները տեսան, որ այս տեսակ բաներով էլ չեն կարողանում հայերին իրանց հաւատից թուլացնել, ուստի ուրիշ բան մտածեցին։ Միհրներսեհ հազարապետը մոգպետի խորհրդով հայերի մեծամեծներին մի նամակ գրեց, որի մէջ ցոյց էր տալիս, որ արեւապաշտութիւնը՝ կրակապաշտութիւնը ճշմարիտ կրօն է, իսկ քրիստոնէութիւնը՝ մեր կրօնը սխալ է։ Միհրներսեհը հրամայեց որ կամ այս նամակի պատասխանը գրեն և՛ կամ Պարսկաստան գան թագաւորի մօտ։

Հայոց Յովսէփի կաթողիկոսը, երբ այս նամակն ստացաւ, հրաւիրեց զլխաւոր եպիսկոպոսներին և շատ քահանաների, Արտաշատ քա-

դաքում ժողով արաւ և Միհրներսեհ հազարապետի նամակին պատասխան գրեցին։ Այս պատասխանի մէջ հաստատում էին, որ պարսիկների կրօնը սխալ է, քրիստոնէականն է ճշշմարիտ։ Նամակն այսպիսի խօսքով վերջացրին։ «Մեր հաւատին մենք ամենքս էլ հաստատուն ենք, ինչ ուզում ես արա, նրա համար պատրաստ ենք մեռնել—քո սուրբ՝ մեր պարանոցը»։

Հայոց իշխանները գնում են Պարսկաստան։ Երբ այս նամակը կարդացին, Յազկերտը և պարսիկ իշխանները խիստ զարմացան, թէ ինչպէս հայերը համարձակ և աներկիւղ իրանց կրօնը պաշտպանում են։ Յազկերտը կատաղեց և մոգպետի խորհրդովը հայոց նախարարներին իւր մօտ կանչեց։ Փրանց թուումն էր սպարապետ Վարդան Մամիկոնեանը և Սիւնեաց իշխան Վասակը, որ պարսիկների կողմից չայաստանի վրայ կառավարիչ էր նշանակուած։ Հայոց նախարարները թէև զիտէին Յազկերտի միտքը, բայց որովհետև իրանց ազգականներից շատերը Պարսկաստանում նեղութեան մէջ էին, կարծում էին, թէ իրանց գնալովը կազատեն նրանց, դրա համար էլ վեր կացան և գնացին։ Բայց գնալուց առաջ խաչ ու աւետարանի վրայ

երդում կերան Յովսէփի կաթողիկոսի առաջ, որ
իրանց կրօնին հաւատարիմ կմնան:

Առաջ՝ երբ Հայոց նախարարները Պարսկաստան էին գնում, թագաւորը նրանց առաջ մարդ էր ուղարկում և Հարցնում էր Հայաստանի որպիսութեան մասին, բայց այս անգամ Յազկերտը սովորական պատուով չընդունեց— մարդ չուղարկեց նրանց առաջ, այլ բարկացած խոսեց նրանց հետ և ասաց, որ եթէ վաղը ինձ հետ արևին երկրպագութիւն չէք տալ, ամենքդ էլ խիստ կապտժուիք: Նա ասաց, որ զօրք կուղարկեմ Հայաստան և ձեր ընտանիքն ու բոլոր Հայերին կոտորել կտամ: Հայ նախարարները պատասխանեցին և ասացին. «Մեր սուրբ Հաւատը չենք կարող մոռանալ, ինչ տանջանք էլ կուզես տուր»: Այս պատասխանի վրայ Յազկերտը խիստ բարկացաւ և հրամայեց, որ ամենին էլ բանտարկեն: Հայ նախարարները շատ փող տուին պարսիկ իշխաններին, որ ազատուեն և իրանց երկիրը դառնան, բայց հնար չեղաւ: Այսուհետեւ ամենքն էլ յոյսերը միայն Աստուծու վրայ դրին:

Հայոց նախարարները երեսանց ուրանում են քրիստոնէութիւնը: Յազկերտը հայ նախարարներին բանտարկելուց յետու՝ զօրք

պատրաստեց, որ հայերին հեռու երկիրներ քշէ, որպէսզի անտէր, անիշխան մնացած հայերին իւր կամքը կատարել տալ: Պարսիկ իշխաններից մէկը, որ ծածուկ քրիստոնեալ էր, գիտէր այս բանը, ուստի ելաւ բանտարկուած նախարարների մօտ և յայտնեց թագաւորի միտքը և խորհուրդ տուաւ, որ երեսանց նրա հրամանը կատարեն՝ մինչև բանտից կազատուեն, իրանց երկիրը կդառնան, իսկ նրանից յետոյ էլի կարող են ազատ կերպով քրիստոնեալ լինել: Նա ասաց՝ որ սրանով միայն կարող էք գուք ազատուել և ձեր անտէր մնացած ժողովրդին պաշտպանել— նրանք առանց ձեզ իրանց հաւատն ու երկիրը չեն կարող պաշտպանել:

Հայ նախարարները հաւանեցին պարսիկ իշխանի տուած խորհրդին և որոշեցին երեսանց կատարել թագաւորի հրամանը, իսկ երբ Հայաստան դառնան, նորից դիմադրեն Յազկերտին: Վարդան Մամիկոնեանն սկզբում հակառակ էր երեսանց ուրանալուն էլ, բայց վերջը համաձայնեց:

Թագաւորին յայտնեցին, որ հայ իշխանները պատրաստ են նրա կամքը կատարելու: Յազկերտը չափից գուրս ուրախացաւ. նախարարներին պատիւներ տուաւ, մի գունդ զօրք և 700-ից աւելի մոգ և մողպետներ ուղարկեց

Հայաստան, որպէսզի հայերին կրակ պաշտելը սովորեցնեն: Թագաւորը պատուիրեց, որ բոլոր եկեղեցիները քանդեն. նրանց տեղ կրակատուններ շինեն և քրիստոնէութեան անունը ջնջեն Հայաստանից: Սիւնեաց Վասակ իշխանի և մի քանի ուրիշ իշխանների որդւոց պատանդ պահեցին Պարսկաստանում, որպէսզի հայերն իրանց տուած խօսքից լետ չկանգնեն:

Սիւնեաց Վասակ իշխանի ուրացութինը: Պարսկաստանի հայ նախարարների մօտ քահանաներ ևս կային: Արանք, երբ իմացան նախարարների ուրացութիւնը, խիստ տրտմեցան. Հեռացան նրանցից. իրանցից մինին առաջուց Հայաստան ուղարկեցին, որ այս ուրացութիւնն իմաց տայ ամենին: Հայաստանի եպիսկոպոսներն ու քահանաները, երբ լսեցին նախարարների ուրացութիւնը, խորհուրդ արին և որոշեցին, որ ամեն միջոց գործ գնեն և թոյլ չըտան ուրացեալներին և մոգերին Հայաստան մտնելու: Որոշեցին նոյնպէս՝ որ ոչ մի ուրացողի չխնայեն—ոչ ազգականի, ոչ եղբօր, ոչ հօր, ուստի և այս նպատակով թէ մարդիկ և թէ կանայք գէնք առան և պատրաստ սպասում էին:

Հայ նախարարները պարսից գօրքի հետ

նոյեմբեր ամսին Հայաստան հասան: Մի ամսի չափ հանգստանալուց յետոյ, մի կեւրակէ օր մոգպետը մոգերի հետ գնաց եկեղեցի և կամենում էր ժամերգութիւնը խանդարել: Ղեռնդ քահանան, որ ուրիշ շատ եկեղեցականների հետ եկեղեցումը պաշտօն էր կատարում, խաչը ձեռին յարձակուեց մոգերի վրայ և թոյլ չըտուաւ: Փողովուրգն էլ փայտով վրայ ընկաւ և շատերի գլուխը կոտրելով՝ գուրս արին եկեղեցուց: Մոգպետը զարհուրեց. իւր աչքով տեսաւ, թէ ինչքան հաստատ են հայերն իրանց հաւատին, ուստի յոյը կտրեց այն բանից, թէ հնարաւոր է հայերին կրակապաշտ դարձնել: Յետոյ Վասակ իշխանին, որ հաստատ ուրացել էր քրիստոնէութիւնը և որի խորհրդով վարդում էր մոգպետը, իւր մօտ կանչեց, խիստ յանդիմանեց և ասաց. «Եթէ գու ևս չես կամենում մեր կրօնն ընդունել, պարզ ասա ինձ, որպէսզի ես մեծ մոգպետին և Միհրներսէին գրեմ, որ համոզեն թագաւորին և թոյլ տան ձեզ ազատ կերպով ձեր կրօնը պաշտել»:

Անօրէն Վասակը, մի կողմից փառասիրութեան համար, միւս կողմից, երբ յիշում էր, որ իւր որդիքը պատանդ են Պարսկաստանում, եթէ քրիստոնեայ մնայ, նրանց կսպանեն, այս պատճառով էլ սրտանց ուրացել էր իւր հաւա-

տը նա շատ աշխատեաց քաղցր խօսքերով համոզի մոռչէլումին, որ հանգստանայ: Ինքն էլ իւր Սիւնեաց երկրից շատ զօրք բերել տուաւ, որ թագաւորի հրամանը ուժով կարողանան կատարել տալ: Վասակն ամեն կերպ աշխատում էր տարածել կրակապաշտութիւնը. մի քանիսին փող էր տալիս, մի քանիսին փառք և պատիւ էր խոստանում, որ կրակ պաշտեն, իսկ մոգերին էլ նախարարների տներն ուղարկեց, որ քարոզեն կրակապաշտութիւնը:

Վասակ իշխանը գերի է ընկնում: Եպիսկոպոսները, երբ տեսան Վասակի արած չարութիւնները, հայոց բանակի ուրացեալ իշխաններին և քրիստոնէութեան հաւատարիմ մնացողներին իրարից բաժանեցին. ժողով արին. Վարդան սպարապետին և բոլոր հաւատարիմ իշխաններին ժողովի հրաւիրեցին և խիստ յանդիմանեցին նրանց. որ աչքով տեսնում են Վասակի չարութիւնները և նրա դէմ ոչինչ չեն անում: Այլև աւելացնում էին. «Եթէ Վասակի արածներին դուք էլ հաւանում էք, առաջ մեղ սպանեցէք և յետոյ ինչ ուզումէք, այն արէք, իսկ եթէ ոչ, պէտք է պատժել նրան»: Իշխաններն ամենքն էլ մի սիրտ, մի հոգի դարձան և պատրաստուեցան ուրացեալ Վասակի դէմ

գնալ ու նրա չարութիւններին վերջ դնել: Այս բանին մէկը միայն չհաւանեց, բայց իսկոյն միւսները վրայ ընկան և տեղն ու տեղը քարկոծ արին ու սպանեցին: Այս բանը միւսների վրայ մեծ ազդեցութիւն արաւ:

Հայ իշխաններն իրանց զօրքերով Վասակի դէմ գնացին: Պատերազմում Վասակը գերի ընկաւ շատերի հետ. եկաւ եղիսկոպոսների ոտներն ընկաւ. երդում կերաւ և խոստացաւ քրիստոնէական կրօնին հաւատարիմ մնալ: Եպիսկոպոսները ներեցին:

Վասակի գունդը ցրելուց յետոյ հայոց զօրքը յարձակուեց այն բերդերի վրայ, որտեղ պարսիկ զօրք և մոգեր կալին: Առան այդ բերդերը և մոգերից մի քանիսին սպանեցին, մի քանիսին փախցրին և կրակատուններն էլ կործանեցին: Այս բոլոր պատերազմների մէջ Աստուած յայտնի կերպով օգնում էր հայերին:

Վասակի արածները: Սիւնեաց Վասակիշխանը նորից սկսաւ իւր սրտի մէջ ծածկուած չարութիւնը յայտնել և չայաստանը տակն ու վրայ անել—մոռացաւ իւր խոստումը, որ արել էր խաչի և աւետարանի վրայ: Ճատ ամուր բերդեր կործանեց. գիւղեր այրեց. նախարաների ընտանիքներ բռնեց և իւր երկրի բեր-

դերի մէջ դրաւ. եկեղեցիները քանդեց և քա-
հանաներին բանտարկեց:

Վարդանն այդ ժամանակ Աղուանքումն
էր: Վասակի չարութիւններն իսկոյն Վարդա-
նին գրեցին և յայտնեցին, որ շատ նախարար-
ներ միաբանել են Սլրւնեաց իշխանի հետ: Այս
լուրն առնելուն պէս՝ Վարդանը իւր զօրքով
իսկոյն չայաստան դարձաւ: Վասակը՝ երբ լսեց
Վարդանի գալը՝ զիշերով փախաւ իւր երկիրը:

Բայց որովհետև ձմեռը վրայ էր հասել և
Վարդանը պաշար չունէր բոլոր զօրքերը իւր
մօտ պահելու, այդ պատճառով նրանց մեծ մա-
սը իրանց տեղերն ուղարկեց և խիստ հրաման
տուաւ, որ գարնան կրկին իւր մօտ ժողովեն:
Իսկ իւր սեպհական զօրքերից շատ զնդեր Վա-
սակի երկիրն ուղարկեց, որոնք շատ տեղեր քար
ու քանդ արին և ուրացեալներին այնքան նեղը
ձգեցին, որ կերակուր չունէին. սատկած իշխ և
ձիու միս էին ուտում:

Որպէսզի պարսից թագաւորի սիրտը շար-
ժեն և ստիպեն նրան մի ձևով իւր մտքից
ձեռք վերցնել, գերի բռնուած մի պարսիկ իշ-
խանի ազատութիւն տուին. եղած վնասները և
Վասակի արածները մէկ մէկ պատմեցին նրան
ու Պարսկաստան ուղարկեցին, որ գնայ և Յազ-
կերտին այս բոլորը պատմէ: Յազկերտը, երբ

այս մարդուց չայաստանի նեղ վիճակն իմա-
ցաւ, այնպէս ցոյց տուաւ՝ որպէս թէ ցաւում
է, նեղութեան մէջ եղող քրիստոնեաներին հրա-
մալեց ազատութիւն տալ. պատուիրեց, որ թոյլ
տան իրանց կրօնը համարձակ կերպով պաշտել.
Քահանաներին էլ թոյլ տուաւ, որ եկեղեցինե-
րի մէջ քրիստոնէական պաշտօն կատարեն:
Նամակ գրեց չայաստան, առաց որ ամենին էլ
ներեն և կատարեալ ազատութիւն տան: Այս
բոլոր կարգադրութեան միտքն էր հայերին ե-
րեսանց հանդարտացնել, իսկ ծածուկ իւր պատ-
րաստութիւնն էր տեսնում: Բայց երբ տեսաւ,
որ հայերն իրա միտքը հասկանում են և չեն
խաբւում, այն ժամանակ զէնքի զօրութեամբ՝
ոյժով կամեցաւ ստիպել հայերին, որ թողնեն
իրանց հաւատը: Մը համար մեծ զօրք պատ-
րաստել տուաւ. Միհրներսեհին էլ նրանց վրայ
զօրապետ նշանակեց և մեր երկիրն ուղարկեց:
Բայց հայերը, որոնք շատ անդամ էին խաբուել
պարսկաներից, այս անգամ չխարուեցան և նր-
անք էլ իրանց պատրաստութիւնն էին տես-
նում:

Վարդանանց պատերազմը: Միհրներսեհը
զօրքն առած չայաստան եկաւ. Վասակին իրա
մօտ կանչեց և բոլոր զօրծերը նրան յանձնեց:

Վասակն էլ ժողովեց այն նախարարներին, որ
իւր մօտն էին, նրանց զօրքը իւր զօրքի հետ
միացրեց և Արևիքի բնակիչներին ստիպեց կրա-
կապաշտ դառնալ:

Վարդան սպարապետն էլ յոյսն Աստուծու
վրայ դրաւ և պատրաստուեցաւ նրանց դէմ
գնալու: Այն նախարարները, որոնք իւր հետ
համաձայն էին, 66,000 զօրք հաւաքեցին.
գնացին թշնամու դէմ և բանակ ձգեցին Ար-
տազ դաշտում, որտեղ մի ժամանակ Սանդուխտ
կոյսը նահատակուեց: Թշնամու զօրքը երկու-
անգամ աւելի էր: Այստեղ եկան Յովսէփ կա-
թողիկոսը և Ղեոնդ քահանան՝ ուրիշ շատ քա-
հանաների հետ, որպէսզի նրանք էլ իրանց
կողմից այս հոգեոր պատերազմին մասնակցեն:

Վասակը և պարսից իշխանները, երբ տե-
տան, որ հայ նախարարները միաբանուել են,
վախեցան նրանց զօրութիւնից, ոկտոբերին նորից
առում երգումներ անել, որ իրարից բաժանեն,
բայց ի զուր—էլ ոչ ոք չհաւատաց նրանց:

Երկու կողմն էլ պատրաստ կանգնած էին
իրար դէմ ու դէմ Տղմուտ գետի ափին, որ անց-
նում է Արտազ դաշտի միջով: 451 թուի Հո-
գեղալստեան օրն էր: Ա. Ղեոնդը պատարագ
արաւ, Ա. Յովսէփի հրամանով ճառ խօսեց և
ոգեորեց ամենին: Զօրքը հաղորդուեց և պա-

տերազմի պատրաստուեց: Ա. Ղեոնդից յետոյ
Վարդան սպարապետը խօսեց և ոգեորեց, որ
քաջութեամբ կռուեն:

Վարդանը հայոց զօրքը չորս մասի բա-
ժանեց. ամեն մի մասը մի իշխանի յանձնեց
և յարձակուեց իրանից չորս անգամ աւելի պար-
սիկ զօրքի վրայ:

Ա. Վարդանը երկար ժամանակ քաջու-
թեամբ պատերազմեց և ընկաւ՝ ընդունելով մար-
տիրոսական պատկ: Թէև Վարդանը մեռաւ,
բայց պատերազմը մինչև երեկոյ շարունակուեց
— յաղթութիւնն անորոշ մնաց: Այս պատերազ-
մի մէջ Հայերի կողմից ընկան 1036, իսկ պար-
սիկներից 3544 հոգի:

Այսպէս մեր պապերը մեռան և թոլ ըը-
տուին, որ ուրիշները ձեռք տան մեր եկեղե-
ցուն և հաւատին: Մեր եկեղեցին էլ նրանց
չմոռացաւ և տօն նշանակեց, որ ամեն տարի
բարեկենդանի երեքշաբթի և հինգշաբթի օրը
տօնւում է: Երեքշաբթուայ տօնը նշանակուած
է այն հոգեորականների համար, որոնք Ա. Ղե-
ոնդի հետն են նահատակուել և տօնն կոչ-
ւում է Ղեոնդ եանց նահատակութիւն,
իսկ Վարդանի հետ ընկնող վկաների տօնը կա-
տարում ենք հինգշաբթի, որ կոչւում է Վար-
դանանց նահատակութիւն:

ՁԱՐԱԿԱՆ Ս. ՂԵՒՈՆԴԵՍՆՅ

Որք եկեալ հասեալ լինէին սեւագունդ
զօրն պարսից,
զի յափշտակեսցեն զառաջնորդսն Հայա-
տանեայց զՍուրբ Ղետնդեանս:

Պարսից սեւագունդ զօրքը գալիս, հասնում էր
մեր երկրը, որպէսզի հայաստանցիներիս առաջնորդ
Վ. Ղեռնդեաններին յափշտակէ (տանէ):

Որք չուեալ զնացեալ լինէին ի պա-
լատն անօրէն թագատրին,
զի վկայեսցեն ճշմարիտ սուրբ Երրորդու-
թեան սուրբ Ղետնդեանքն:

Սուրբ Ղեռնդեանները վեր էին կացել, զնացել
էին անօրէն թագաւորին ծառացելու, որպէսզի վկա-
յեն սուրբ Երրորդութեան ճշմարտութեանը:

Հուսատորիչն ամենեցուն Ղետնդիէ սուրբ
վարդապետն խոնական մեծ խորհրդով
խրատեալ լցոյց զաշակերտեալսն. ծաւալեալ
զլյոս զիտութեան յոգիս արանց կատարելոց
կամնատը յօժարութեամին կատարեցան սիրով
փրկչին:

Ամենին լուսաւորող Ս. վարդապետ Ղեռնդը
խելացի և մեծ մտքերով խրատելով (աշակերտեալ-
ներին), տարածեց զիտութեան լոյսը հասակաւոր՝

կատարեալ մարդոց սրտերը, որոնք ի սէր Յիսուսի՝
կամաւոր կերպով նահատակուեցան:

§ 24.

Խ Ա Զ Վ Ե Բ Ը Ց

Պարսիկների Խոսրով թագաւորը Քրիստո-
սի ծննդից 614 տարի յետոյ Երուսաղէմ քա-
ղաքն առաւ և Յիսուսի սուրբ խաչը գերի տա-
րաւ: Բոլոր քրիստոնեաները խիստ տիրու էին
այս բանի համար: Բայց խաչի գերութիւնը եր-
կար չքաշեց, որովհետեւ 15 տարուց յետոյ լոյ-
ների կայսր Հերակլը պատերազմեց Խոսրովի
հետ, յաղթեց նրան և սուրբ խաչը գերութիւ-
նից ազատեց: Արանից յետոյ խաչափայտը մաս-
մաս արին և բաժանեցին բոլոր քրիստոնեանե-
րին:

Երբ խաչը գերութիւնից ազատեցին, այդ
օրուայ լիշտակալը չմոռանալու համար՝ առան-
ձին տօն նշանակեցին, որ կատարւում է սեպ-
տեմբեր ամսուայ մէջ: Այդ օրը թափոր են ա-
նում եկեղեցւոյ շուրջը. խաչը բարձրացնում՝
վերացնում են և օրհնում են աշխարհիս
չորս կողմէննը: Որովհետեւ օրհնելիս խաչը բարձ-
րացնում՝ վերացնում են, դրա համար էլ տօնը
կոչւում է խաչվերաց:

ՃԵՐԱԿԱՆ Ս. ԽԱՅԻ

Ապաւինեցաք ի խաչ քո, արարիշ յաւի-
տենից,
Որ ետուր մեզ պահապան յաղթող ընդ-
դէմ թշնամին.
Աղաշեմք սովար փրկիշ պահպանեա զան-
ծինս մեր:

Յաւիտենից Արարիշ, յոյսներս քո խաչի վրայ
ենք դրել, այն խաչի, որ մեզ յաղթող պահպան
նշանակեցիր թշնամու դէմ. խնդրում ենք, ով Փըր-
կիշ, սրանով պահպանիր մեզ.

§ 25.

Ե կ ե դ ե ց ու ձ ե ւ ը: Հին ժամանակուայ
քրիստոնեաները մեզ նման փառաւոր շէնքերով
եկեղեցիներ չունէին. նրանք հաւաքւում էին
մի հասարակ տան մէջ, շատ անգամ գետնա-
փոր տներում և միասին աղօթում էին, իսկ
աղօթքից յետոյ հայը կոտրում էին և բաժա-
նում. յետոյ հաղորդւում էին: Տան վերեւի մա-
սը փոքր ինչ բարձր էր. այստեղից էր քարո-
զում հովիւր:

Աւելի ուշ ժամանակներում աղօթատե-
ղու՝ եկեղեցու միջին մասին նաւի ձև տուին,
որ նշանակում էր, թէ եկեղեցին մի նաւ է,

որի մէջ մտնողները՝ քրիստոնեաները նաւում
են դէպի նաւահանգիստ՝ երկնքի արքայութիւ-
նը: Ոմանք էլ կլոր ձև էին տալիս: Նաւի մէջ
մտնելու իրաւունք ունէին միայն նրանք, ո-
րոնք մկրտուած էին, իսկ չմկրտուածները գաւ-
թում — նաւի յետեւում, արևմտեան կողմում
սիւներ կային՝ վարագուրով միացրած, ահա այն-
տեղ էին կանգնում: Երբ մկրտում էին, այն
ժամանակ իրաւունք էին ստանում նաւի մէջ
մանել:

Փոքր ինչ յետոյ նաւակի աջ և ձախ կող-
մերում երկու փոքրիկ նաւեր ևս որոշեցին և
այսպիսով եկեղեցին խաչի ձև ստացաւ, որ
մինչև մեր օրերը պահպանւում է: Երբ քրիս-
տոնէութիւնն ազատ կրօն դարձաւ, սկսեցին
ամեն տեղ գեղեցիկ եկեղեցիներ շինել խաչա-
ձև յատակագծով, որ ծագել է երեք նաւերի
միաւորութիւնից: Կլոր ձևն էլ մեր ներկայ գըմ-
բէթն է, որ եկեղեցու մէջտեղումն է: Եկեղե-
ցու սիւները միանում են կամ արներով,
որ երկինքն է լիշեցնում մեզ: Եկեղեցու շի-
նուածքը բաժանում է երեք մասի — գաւիթ,
ատեան և բեմ:

Գաւիթ — Այժմեան եկեղեցիները գաւիթ-
չունին, սա էին եկեղեցու այն մասն է, ուր
կանգնում էին չմկրտուածները (երեխաները):

Ա տեսան—Այն տեղն է, ուր կանգնում
են հոգևորականները: Եկեղեցու հին սովորու-
թեան համաձայն առաջ կանգնում են հոգևո-
րականները, յետոյ տղամարդիկ, իսկ ամենից
վերջը՝ կանաք: Սեղանի աջ կողմի պատի մէջ
աւազանն է, իսկ նրա դիմաց՝ ձախ կողմում
ըուրիշառանոցը, որտեղ բուրվառներն են
կախում:

Բ եմ—Ատենից մի քանի աստիճաններով
բարձր է: Բեմի վրայ գտնում է սեղանը,
ուր պատարագ է մատուցանում: Բեմիցն է
քարոզում եպիսկոպոսը՝ աթոռի վրայ նստած:
Այստեղ իրաւունք ունին բարձրանալ հոգևորա-
կանները, կամ որոնց իրաւունք է տրուած: Սե-
ղանը շինած է բեմի վրայ, հարկաւոր ժամա-
նակ քաշում են վարագոյրը: Բեմի գրեթէ
մէջ տեղում հաստատուած է օծուած՝ խաչածւ-
գ է մը: Առանց այս քարին չի կարելի պատա-
րագ մատուցանել:

Բեմի վրայ վէմ քարի ուղղութեամբ շի-
նած է խաչակալը, որի աջ և ձախ կողմե-
ներում դռներ կան: Այս դռների վրայ նկա-
րում են Թագէսու և Բարգուղիմէսու առաքեալ-
ների պատկերները, որոնք հայոց եկեղեցու գլո-
խաւոր սիւներն են:

Երկու դռների մէջ տեղում վէմ քարի վրայ

երեք աստիճան է շինուած, որոց վրայ դրած է
ամենից բարձր խաչ, յետոյ՝ Քրիստոսի պատ-
կերը՝ (գաստառակ), իսկ վերջը՝ աւետա-
րան: Աստիճանների յետեւում Աստուածածնի
պատկերն է՝ Յիսուսին գրկած: Այս երեք աս-
տիճանների վրայ դրած է լինում նաև սուրբ
միւռոնամանը և մասնաւուփը:

Սեղանի աջ գոան կողմում՝ ներսից ընծա-
յարանն է, որտեղ սկիզբն են դնում:

Եկեղեցու հիմքի զանազան կողմերում դը-
նում են առաքեալների, աւետարանիչների և
Ս. Գրիգոր Լուսաւորչի անուններով օծած քա-
րեր—ընդամենը 16 հատ և ապա սրանց վրայ
հիմն են ձգում, որովհետև քրիստոնէութիւնը
սրանք տարածեցին ամեն տեղ—հիմնեցին զա-
նազան տեղերում եկեղեցիներ և նրա հիմքը
եղան: Այդ քարերն անտաշ պիտի լինին, որ
նշանակում է, թէ առաքեալներն ուսում չու-
նէին և սուրբ Հոգույ շնորհով էին քարոզում:
Քարերն առաջ լուանում են, որ նշանա-
կում է մկրտել և ապա օծում են, որ
նշանակում է գրոշմ: Բեմի վրայ է վէմ քա-
րը—սա քրիստոսի օրինակն է, որ իւր հիմնած
եկեղեցու սուրբ սեղանի վրայ բազմած է:

Բեմի աջ և ձախ կողմերում երկու խորան-
ներ կան—աջակողմեանը զգեստաւորուելու հա-

մար է, իսկ ձախակողմեանը՝ զգեստները պահելու համար:

Ճինութիւնն աւարտելուց յետոյ եկեղեցին օծում են:

ՍՐԲԱԶԱՆ ԱՆԹԱՆԵՐ ԵՒ ԶԱՐԴԵՐ

Մ կ ի հ—Այն անօթն է, որի մէջ պատարագիչը գինի է ածում, հաց՝ նշխարհ դնում, որ աղօթելով դառնում է Քրիստոսի խկական մարմինն ու արիւնը: Ակեհի բերնին դնում են մի ուրիշ անօթ, որի անունն է Մաղամա: Ակեհը շինում են կամ ոսկուց և կամ արծաթից:

Մ ա ս ն ա տ ո ւ փ—Փոքրիկ տուփ է ոսկուց կամ արծաթից շինած, որի մէջ դնում են մասը՝ կամ հաղորդը և երբ մինը յանկարծ հիւանդանում է կամ եկեղեցի չէ կարողանում գալ, տուն են տանում և հաղորդում:

Մ ի ւ ո ո ն ա մ ա ն—Նոյնպէս ոսկուց կամ արծաթից շինած մի աման, ըստ մեծի մասին աղաւնու նման. մէջն ածում են սուրբ միւռո նը և մկրտում երեխաներին կամ օծում պատկերներ:

Ք շ ո ց—Քշոցը զարդ է, կոթը փայտից է, իսկ վերևի կլոր մասնի վրայ Սերովբէ և Քերովբէ հրեշտակապետների պատկերներ կան նը-

կարած, որ նշանակում է, թէ նրանք ևս սպասաւորում, ծառայում են պատարագի ժամանակ:

Բ ուր վ ա ռ—Մէջը կրակ են ածում և վրան խունկ ծխում, որ նշանակում է, թէ ինչպէս այս խնկի ծուխը դէպի վեր է դնում, այսպէս էլ մեր աղօթքը, մեր խնդրուածքը դէպի վեր՝ դէպի Աստուած ենք ուղղում:

Խ ա չ վ ա ռ—Նկարագրել:

Զ Գ Ե Ս

ա) ԴՊԻՐՆԵՐԻ ԿԱՄ ՏԻՐԱՑՈՒՆԵՐԻ ՀԱՄԱՐ

Շ ա պ ի կ—Գլխից մինչև ոտները՝ երկայն հասարակ՝ մաքուր շապիկ, որ նշանակում է, թէ ինչպէս արտաքուստ մաքուր է շորը, այսպէս էլ ներքուստ՝ սիրտը որա նման մաքուր պիտի լինի:

բ) ՍՍՐԿԱՆԱԳԻՒ ՀԱՄԱՐ

Ուր ա ը—Երկայն, լայն ժապաւէնի նըման, որ ձգում է ձախ թևի վրայ: Սա նշանակում է, թէ սարկաւագն աւետարանի լուծը դեռ ամբողջապէս չէ կրում, այլ՝ մասամբ, այն է ձախ ուսովի: Սարկաւագը հաղնում է և շապիկ:

Դ) ՔԱՀԱՆԱՅԻ ՀԱՄԱՐ

Քահանան երբ զգեստաւորւում է և պատարագ է մատուցանում, նշանակում է նոյնն է անում, ինչոր Քրիստոսն է արել: Պատարագի զգեստները նշանակում են Քրիստոսի կրած չարչանքները: Քահանայի զգեստները սըրանք են:

Շապէի կ—Երկայն, վզից մինչև ոտները, դոյնը սպիտակ: Սա նշանակում է, 1, այն սպիտակ հանդերձը, որ չերովդէսը հագցրաւ Քրիստոսին ծաղրելու համար. 2, քահանային վայել է պատարագի ժամանակ սպիտակ հագուստ և որովհետև քահանայի գործը հրեշտակի գործ է: Աւետարանիչը հրեշտակի շորերը սպիտակ է նկարագրում:

Թօտի ի—նշանակում է այն խարազ սնը, որով Քրիստոսին խփում էին սեանը կապած:

Բազալտան—Այն կապան քն է, որով հրեաները կապեցին Յիսուսի ձեռները դեթսեմանում:

Փորութար—նշանակում է 1, այն կապան քը, որով Քրիստոսին սեանը կապեցին, 2, Աստուծու պատուիրանի լուծն է, որը քաղցր է և թեթև: Այս լուծը սարկաւագը

ձախ ուսով է միայն տանում, իսկ քահանան և աջ և ձախ ուսով՝ ամբողջապէս:

Շուրջառ—կամ նախորդի և նըշանակում է կարմիր քղամիտը, որով ծածկեցին Քրիստոսին:

Մաղաւարտ—նշանակում է այն փըշեայ պսակը, որ Քրիստոսի վլխին դրին:

Վակաւար—Աւսի վրայ է կրում քահանան. վրան նկարած է 12 առաքեալների պատկերը:

Դ) ԵՊԻՍԿՈՊՈՍԻ ՀԱՄԱՐ

Եպիսկոպոսն ունի այն բոլոր զգեստներն ինչ որ քահանան:

Բացի գրանից ունի—Խորյօր կամ թագ, որ միևնուն նշանակութիւնն ունի, ինչ որ քահանայի սաղաւարտը:

Եմիփորոն—Կրում են շուրջառի վրայից, սա է յատուկ եպիսկոպոսական զգեստը:

Ե) ԵՊԻՍԿՈՊՈՍԱԳԵՏԻ ԿԱՄ ԿԱԹՈՂԻԿՈՍԻ ՀԱՄԱՐ

Բացի քահանայի և եպիսկոպոսի զգեստներից, ունի նաև կոնքեռ, որը քառակուսի ձև ունի և կախուած է լինում գոտկից՝ ձախ կողմից և հասնում է մինչև ծունկը: Կոնքեռը

նշանակում է 1, այն դենք ակը, որով Ցիստս աշակերտների ոտները սրբում էք. 2, հոգուական մաս և դ։ Կոնքնուը կրելու իրաւունք միմիայն կաթողիկոսն ունի:

§ 26.

ՊԱՏՈՒԳԻ ԵՐԿԵՐ

Խոնկ մատուցանեմք առաջի քո տէր յօրինակ ըառ-հնումն Զաքարիա: Ընկալ առ ի մէնջ զիմկանուէր մաղթանս, որպէս զաւարագն Ամէլի, զնոյի եւ զԱզրահամիւ:

Խունկ ենք մատուցանում (աղօթում), քո առաջը հին եկեղեցւոյ Զաքարիա քահանացի օրինակի նման: Ընդունիր մեր կողմից խնկանուէր մաղթանքը՝ Աբէլի, Նոյի և Եբրահամի պատարագի պէս:

Ողջոյն տուք միմեանց ի համբոյր սրբութեան եւ որք ոչ էք կարող հաղորդիլ աստուածային խորհրդոյս, առ որունս ելէք եւ աղօթեցէք:

Ողջոյն (բարե) տուէք մէկ մէկու սրբութեան համբոցրով և որոնք չեն կարող հաղորդուիլ աստուածացին խորհրդից, թող դրան առաջը դուրս գան և աղօթեն:

Մի ոք յերեխայից, մի ոք ի թերահաւատից, եւ մի ոք յապաշխարողաց եւ յանմաքրից, մերձեսցի յԱստուածային խորհուրդս:

Ոչ ոք երեխաներից, (չմկրտուածներից) թերահաւատներից, ապաշխարանքի տակ եղողներից և անմաքուրներից (պղծերից) չմօտենան այս աստուածացին խորհրդին:



§	Երես
1. Անառակ որդի	5.
2. Ողորմած Սամարացու առակը	7.
3. Որոմի առակը	8.
4. Եցքու մշակների առակը	9.
5. Քանքարների առակը	11.
6. Մեծատան և աղքատ Ղազարոսի առակը	13.
7. Յիսուսի ծնունդը	14.
8. Յովհաննէս Մկրտիչ	15.
9. Յիսուսի մկրտութիւնը	18.
10. Յիսուսի տանուիլը	19.
11. Յիսուս մտնում է Երուսաղէմ	21.
12. Յիսուսի խաչելութիւնը	24.
13. Յիսուսի թաղումն և յարութիւնը	28.
14. Քրիստոսի համբարձումն	29.
15. Հոգեգալուստ	30.
16. Ս. Ստեփաննոս նախավիշայ	31.
17. Սաւուղի դարձը	33.
18. Սանդուխտ կոյս	36.
19. Ս. Գրիգոր Լուսաւորչի Խորվիրապ մտնելլ	37.
20. Ս. Գրիգոր Լուսաւորչի Խորվիրապից դուրս դալլ	38.
21. Ս. Սահակ Պարթև և Մեսրովք մաշտոց .	39.
22. Թարգմանիչներ	43.
23. Առովմեանց նահատակութիւն	45.
24. Խաչվերաց	61.
45. Եկեղեցու ձել	62.
26. Պատարագի երգեր	70.

ՀՀ Ազգային գրադարան



NL0026807

2013

0026807

401

Իմ աշխատութիւններն առանալ ցանկացաղները կարող
են դիմել 1) Տիֆլուս՝ արմանեական քայլածուները՝
Սաակ Սաակյանց, 2) Կենդրութական գրավաճառանոց:

Փ. Կ.

Ս Տ Ո Ր Ե Յ գ ր ձ բ ո

ՈՒՍՈՒՑՉԱՅ ՀԱՄԱՐ

1. Դասագիրք կրօնի հիմ-ուխտ	1	75
2. Դասագիրք կրօնի նոր-ուխտ	2	5
3. Մի քանի խօսք համ կրօնուսոցներին.		— 10

ԱՇԱԿԵՐՏԱՅ ՀԱՄԱՐ

4. Սրբազնն պատմութիւն հիմ-ուխտի		
բ. տիպ. V տարի		— 40
5. Սրբազնն պատմութիւն նոր-ուխտի		
բ. տիպ. IV տարի		— 40
6. Դասատեսք կրօնի բ. տիպ. III տարի		— 30
7. Դասատեսք կրօնի բ. տիպ. II տարի		— 20
8. Դասատեսք կրօնի բ. տիպ. I տարի		— 15

Ինչ դիմող կանխիմի վճարողները՝ կատանան 20% զիջումն
ճանապարհածախան ինչ գրաէ չէ:

11561

92